

國立臺灣大學圖書館



0464049



國立臺灣大學圖書館典藏  
由國家圖書館數位化



鏤板考

04013A





464049

18. 8. 28

東洋文學



# 鏤板考凡例

一 歷代盛際、雅重文籍、藏之有府、掌之有官、稽之有簿、爲其係治道升降也。粵世祖朝、大提學梁誠之、請置奎章閣、以奉御製、峙圖籍、又請令列邑、開錄書籍、藏板上、送典校署、使之考察。世祖亟稱其可行、而未及施用。當寧丙申、初載、置奎章閣于內苑、建宮藏書、多用誠之議。粵二年戊戌、下諭諸道、公私所藏、刊書板本、並令計開錄上、自本閣考察、其存佚、蓋至是而聖祖之志、事賢輔之許、謨始綱舉目張、燦然大備矣。既又命閣臣等、取中外藏板簿、分門條例、彙成一書、凡卷帙多寡、刊缺與否、無不謹著、而該載爲其專錄、剖闕之本、故曰鏤板考。

一 唐徐堅初學記、以太宗御製、升列歷代之前、蓋尊尊之大義、宜然也。焦竑國史經籍志、朱彝尊經義考、並遵前規、今另立御撰御定二目、凡列朝典學之篇、憲章之書、恭錄其義例、槩略冠之四部之首、而親撰曰御撰、命撰曰御定。

一 每書之左、必標其撰人爵里、而或節取序跋、或援引評隲、以見其義例之大略得失、又或誌其刊刻之歲月、俾資乎沿革之考據、至於別集一類、文章月朝、出處本末、無不旁搜博



采以存古人論世之義，惟一人而疊見者，不復著其爵里事蹟。

一古今簿錄之學，有七略、七志、七錄、四部、五部之異，而惟唐之經史子集四類，爲後來書目家不易之例。是書分門立綱，亦用四類，而若其宏綱之中，細目條分，則又損益折衷于歷代藝文志、陳振孫書錄解題、鍾音浙江遺書總錄諸書，凡其一類一書之離合進退，未嘗不兢兢乎博參而慎取，庶幾釋書名，按部位，而作者之大旨，瞭如指掌云。

一活版之式，始見沈括筆談，而東本書籍，最多用其法，爲其功力省而程功速也。太宗初載，置鑄字所，範銅爲字，擺印經史，聖神繼承，累鑄銅字。當寧甲寅，復李朝初故事，即宮中置鑄字所，印頒御定諸書，於是乎秘府雲委之儲，兔園籠笥之藏，大半活版之本，而繡梓鈔棗，特其什佰之一耳。是書既恭遵睿旨，祗載見在板刻，故雖頒立學宮，盛行域內之本，往往不在錄中，若廼廣蒐博攬，統紀昭代之文獻，俾作藝苑之大觀，則別有奎章總目，此毋庸架疊云。



目次

卷第一

御撰

- 列聖御製
- 光國志慶錄
- 大訓
- 常訓・續常訓
- 自省編・續編
- 古今年代龜鑑
- 追慕錄
- 揄揚盛烈錄
- 警世問答・續錄
- 雲漢篇
- 百行源

目次

小學指南	五	東國兵鑑	一〇
永世追慕錄・續錄	五	兵將圖說	二
續光國志慶錄	六	易學啓蒙補解	二
樹德全編	六	經國大典	三
耆考宴會錄	六	五禮儀・序例	三
勸世爲孝悌文	七	樂學軌範	三
定銅闡冠禮文	七	四聲通解	三
心鑑	七	續三綱行實圖	三
關東賓興錄	七	救荒撮要・辟瘟方	三
御定	八	周易諺解・書傳諺解・詩傳	
訓義資治通鑑綱目	八	諺解・大學諺解・論語諺	
龍飛御天歌	九	解・孟子諺解・中庸諺解	一四
三綱行實圖	九	東醫寶鑑	一五
新註無冤錄	九	小學諺解	一五
天文類抄	一〇	環源系譜紀略	一六
諸家曆象集	一〇	北道陵殿誌	一六
		闡義昭鑑・諺解	一七

續大典

大典通編

續五禮儀·序例·補編

續大典通編

國朝喪禮補編·圖說

金忠壯遺事

三經四書講經

陽村入學圖說

守城節目

兵學通

肆陣總方

經書釋義

訓義小學大全

武藝圖譜通志·諺解

協吉通義

易類

皇極一元圖

史記英選

易傳

續兵將圖說

八子百選

周易本義

兩漢詞命

嶠南寶興錄

周易本義

奎章全韻

卷第二

大河圖·小河圖

國朝寶鑑·別編

啓蒙傳疑

周易本義口訣附說

咸與本宮儀式

經部

易學圖說

永興本宮儀式

總經類

書類

宮園儀

周易大全·書傳大全·詩

書集傳

明義錄·諺解

傳大全·大學大全·論語

書傳正音

續明義錄·諺解

大全·孟子大全·中庸

範學全編

欽恤典則

字恤典則·諺解

字恤典則·諺解

字恤典則·諺解

字恤典則·諺解

字恤典則·諺解

字恤典則·諺解

字恤典則·諺解

字恤典則·諺解

字恤典則·諺解



詩類.....三

詩集傳.....三

詩傳正音.....三

禮類.....三

纂圖互註周禮.....三

禮記淺見錄.....三

禮記補註.....三

司馬氏書儀.....三

奉先雜儀.....三

五先生禮說前集·後集.....三

五服沿革圖.....三

四禮訓蒙.....三

家禮考證.....三

家禮輯覽.....三

喪禮備要.....三

疑禮問解·續解.....四

五服通考.....四

四禮問答.....四

家禮源流·往復書.....四

六禮疑輯.....四

三禮儀.....四

南溪禮說.....四

明齋疑禮問答.....四

四禮儀.....四

春秋類.....四

春秋正音.....四

魯史零言.....四

四書類.....四

大學章句·論語集註.....四

孟子集註·中庸章句.....四

大學正音·論語正音.....四

孟子正音·中庸正音.....四

大學章句補遺·續或問.....四

大學童子問答.....四

問義通攷.....四

小學類.....四

禮部韻略·玉篇.....四

增補三韻通考.....四

三韻通考補遺.....四

篆海·心鏡.....四

華東正音通釋韻考.....四

卷第三

史部

通史類.....四

史記評林	四	孝行錄	四	烟村事蹟	六
漢書評林	四	二倫行實圖	四	許貞簡公遺事	六
漢書一統	五	三仁錄	五	彝尊錄	六
史漢一統	五	趙氏十忠實錄	五	知足堂忠烈記	六
三國誌	五	景賢錄	五	寶白堂實記	六
通鑑節要	五	崇孝錄	五	愚齋實記·補遺	六
十九史略通攷	五	達城碑誌錄	五	退溪言行錄	六
歷代通鑑纂要	五	西岳志	五	黃岡實記	六
帝王歷年通攷	五	彰烈祠志·續志	五	忠武公家乘	六
麗史提綱	五	箕子志	五	北遷日錄	六
東國通鑑提綱	五	箕子外紀	五	白雲齋實紀	六
雜史類	五	朱文公年譜	五	湖叟實紀	六
懲比錄	五	壯節公遺蹟	五	梅軒實記	六
晉州敘事	五	晦軒實紀	五	忠烈錄	六
傳記類	五	冶隱言行拾遺	五	金將軍遺事	六
		敬菴遺事	五	忠壯公遺事·附錄	六
		疑溪實記	五	仙源年譜·清陰年譜	六





中庸九經衍義

三三

啓蒙編

八八

武經要節

九四

求仁錄

三三

礪溪隨錄·補遺

八八

兵學指南

九五

關西問答錄

八四

宇宙要括

九〇

演機新編

九六

童蒙先習

八四

學顏錄

九〇

火炮式諺解

九六

理學通錄·外集

八四

書社輪誦

九〇

新傳黃硝方

九六

古鏡重磨方

八五

敦孝錄

九一

行軍須知

九七

聖學十圖

八五

兵家類

九二

醫家類

九七

朱書講錄刊補

八六

六韜

九二

補註黃帝素問

九七

聖學輯要

八六

孫武子

九二

纂圖脉訣

九六

擊蒙要訣

八六

吳子

九二

銅人鍼灸經

九六

三先生遺書

八七

司馬法

九二

醫學正傳

九六

晦谷進學圖

八七

尉繚子

九三

醫書纂要

九六

太極問辨

八七

三略

九三

增補萬病回春

九六

性理說

八八

李衛公問對

九三

廣濟秘笈

九六

道學正脉

八八

將鑑博議

九四

天文籌法類

一〇〇

日省錄

八九

紀効新書

九四

初學字訓增輯

八九



步天歌	100	千字文	105	老乞大·諺解	109
觀象玩占	100	類合	105	朴通事新釋·諺解	110
天東象緯考	101	警民編	106	清語老乞大	110
九數略	101	說家類	106	蒙語老乞大	110
術數類	101	破閑集	106	伍倫全備記·諺解	111
人子須知	101	補閑集	107	小兒論	111
琢玉斧	101	櫟翁稗說	107	八歲兒	111
羅經頂問針	101	谿谷漫筆	107	三譯總解	111
邵康節心易梅花數	101	種德新編·諺解	108	蒙語類解	111
袁天綱三星三命指南	101	類書類	108	倭語類解	111
應天歌	103	訓蒙字會	108	譯語類解	111
子平三命通變淵源	103	類苑叢寶	109	捷解蒙語	111
範圍數	104	經書類抄	109	同文類解	111
天機大要	104	譯語類	109	捷解新語	111
選擇要略	104	雜纂類	104	漢清文鑑	113
雜纂類	104	譯語類	109	隣語大方	114
				捷解新語文釋	114

道家類……………二四

新註道德經……………二五

句解南華真經……………二五

周易參同契……………二五

卷第五

子部下

釋家類……………二七

大藏經……………二七

金剛般若婆羅蜜經……………二五

妙法蓮華經……………二五

圓覺了義經……………二五

萬行首楞嚴經……………二五

華嚴經……………二五

起信論……………二五

禪源諸詮集都序……………一五

景德傳燈錄……………一五

大慧普覺禪師書……………一五

高峯禪要……………一五

禪門拈頌說話……………一五

卷第六

集部上

楚辭類……………一七

楚辭·辨證·後語……………一七

選賦……………一七

總集類……………一八

古文真寶大全前集·後集……………一五

唐詩品彙……………一五

唐宋八大家文抄……………一五

古文百選……………一五

皇華集……………一五

西原世稿……………一六〇

晉山世稿·續集……………一六〇

六先生遺稿·附錄……………一六〇

兩賢淵源錄……………一六一

北窓詩集·古玉……………一六一

詩集·附錄……………一六一

密山世稿……………一六一

嶺海唱酬錄……………一六一

兩先生往復書……………一六一

三節遺稿……………一六一

河陰遺稿·一竹遺稿……………一六一

素隱湖山合集……………一六一

李氏聯珠集……………一六一

別集類上……………一六一

陶靖節集……………一六一



虞註杜律  
杜詩批解  
白氏文集  
擊壤集  
山谷內集·外集  
南軒集  
朱子文集·續集·別集·遺集·附錄  
朱子書節要  
朱書要類  
節約通編·補遺  
勉齋集  
西涯擬古樂府  
益齋亂稿  
稼亭集·雜錄  
遁邨雜詠  
牧隱集·附錄·年譜

一壹	圃隱集·續集	一七	鄭文翼公遺稿	一六
一貳	陶隱集	一五	再思堂集	一六
一參	麟齋集	一五	寓菴文集	一六
一肆	松堂集	一五	容齋集	一六
一伍	三峯集	一五	挹翠軒遺稿	一六
一陸	梅軒集	一五	松齋集	一六
一柒	亭齋集	一五	聾巖文集	一六
一捌	別洞集	一四	訥齋集·續集	一六
一玖	訥齋集	一四	慕齋集	一六
一貳	梅月堂四遊錄	一五	思齋集	一六
一參	漁溪集	一五	陰崖集·年譜	一六
一肆	佔畢齋詩集·文集	一五	冲庵集	一六
一伍	虛白亭文集	一五	冲齋文集	一六
一陸	懶齋集	一五	松隱集	一六
一柒	月軒集·附錄	一七	晦齋文集·年譜·附錄	一六
一捌	濯纓文集	一七	靜菴集	一六
一玖	二樂亭集·附錄	一六	龍巖文集	一六

雲巖逸稿

一八四

長吟亭遺稿

一九〇

德溪集

一九六

獨菴遺稿·附錄

一八五

峒隱集

一九一

藥圃文集

一九六

立巖集

一八五

月川文集

一九一

白麓集

一九七

石川集

一八五

錦湖遺稿

一九一

柏潭文集

一九七

葛川文集

一八六

龜巖集

一九二

簡易文集

一九七

瞻慕堂文集

一八六

林塘遺稿

一九二

鵝溪遺稿

一九六

后溪集

一八六

真樂堂集

一九二

四留齋集

一九六

花潭集

一八七

久菴集

一九三

松江文稿

一九六

大谷集

一八七

頤菴集

一九三

松江歌辭

一九六

河西集·別集

一八八

眉巖集

一九三

桑榆集

一九六

南冥集·別集

一八八

錦溪文集·外集

一九四

栗谷集·續集·

一九六

一齋集

一八八

嘯阜集·續集·附錄

一九四

外集·年譜

一九六

溫溪逸稿

一八九

蘇齋文集·內集·附錄

一九四

牛溪續集

二〇〇

退溪文集·續集·年譜

一八九

悔堂集

一九五

覺齋集

二〇〇

退溪自省錄

一八九

浮查集

一九五

賁趾文集

二〇一

忍齋文集

一九〇

霧峯集·遺集·續集

一九五

困齋愚得錄

二〇二

耻齋遺稿·附錄

一九〇

正氣錄

一九六

龜峯集

二〇二



勿巖集·年譜·附錄	二〇二	健齋逸稿	二〇八	大笑軒集	二二三
謙菴逸稿	二〇二	晦谷文集	二〇八	敬菴集	二二四
西厓文集·別集·年譜	二〇二	鰲峯集	二〇八	愚伏文集	二二四
喚醒堂逸稿	二〇三	柏巖集·年譜·附錄	二〇九	南溪文集·附錄	二二四
東岡集	二〇三	柏谷集·年譜	二〇九	象村集	二二五
孤竹集	二〇三	寒岡集·續集·別集·年譜	二〇九	月沙集·附錄·別集	二二五
玉峯集·別集	二〇四	良齋集	二一〇	農圃集	二二五
蓀谷集	二〇四	百拙齋集	二一〇	近始齋文集	二二六
蘭雪軒集	二〇五	漢陰文稿	二一〇	梧峯集	二二六
重峯集·附錄	二〇五	獨石集	二一一	石樓遺稿	二二六
鶴峯文集·行狀·續集	二〇六	守夢集	二一一	耐菴集	二二七
梧里文集·附錄·續集·別集·附錄	二〇六	鳴阜集	二一二	睡隱集·看羊錄·別集·附錄	二二七
息菴集·年譜	二〇六	白沙集	二一二	集部下	
坡谷遺稿	二〇七	月峯集·附錄	二一二	別集類下……………	二二九
錦江集	二〇七	松亭集	二二三	仙源遺稿	二二九
一松集	二〇七	芝山文集	二二三		

清陰集	二九	紫巖集	三五	詩集·文集	一一〇
雪窖唱酬集·後集·別集	三〇	東岳集	三五	谿谷集	一一〇
雲川文集	三〇	竹陰集	三六	白江集	一一一
體素集	三一	丹圃集	三六	桐溪文集·附錄	一一一
晚翠集	三一	仲寃牛栗兩賢疏	三六	澤堂集·續集·別集	一一一
龍溪集	三一	沙溪遺稿	三七	疎菴集·拾遺	一一一
月礪文集·附錄		旅軒文集	三七	畸菴集	一一一
兄弟急難圖	三三	村隱集	三七	中峯集	一一三
蒼石文集	三三	慎獨齋遺稿	三六	天坡集	一一三
鶴谷集·附錄	三三	省吾堂集	三六	百千堂遺稿	一一三
楸灘集	三三	晴沙集	三六	青霞集	一一四
九畹詩集	三三	頤齋集	三九	溪巖文集	一一四
海峯集	三三	認齋文集·別集·		化堂集	一一四
水色集	三四	年譜·附錄·續集	三九	白洲集·附錄	一一五
八松封事·附錄	三四	石洲集·外集·別集	三九	苔川集	一一五
竹臆集	三四	無住逸稿	三〇	竹南堂稿·附錄	一一五
敬亭集	三五	東州前集·別集·		晚沙稿·附錄	一一六









鏤板考 卷第一

大邱徐有槩著 豐山洪命憲校訂

御撰

列聖御製十八卷

仁祖朝、義昌君珖、編 太祖 定宗 太宗 世宗 文宗 世祖 睿宗 成宗 中宗

仁宗 明宗 宣祖十二朝御製、手寫刊進、藏之璫閣、肅宗已未、福昌君楨、增輯 仁

祖 孝宗 顯宗三朝御製以進、尙多佚篇、乃考實錄、又令京外士民、有藏 御製者、令所

在官錄上、命朗善君悞、編爲八卷、藏其板于宗簿寺之奎章閣、後又補刻 端宗御製詩二

首、景宗庚子、副刻 肅宗御製十卷、吏曹判書宋相琦等、奉教編校、英宗丙午、副刻

景宗御製一卷、礪城君楫等、奉教編校。

宗簿寺藏印紙十五牒九張一片

御撰

光國志慶錄一卷

肅宗辛巳編先是、宣祖戊子、謝恩使俞泓、奉欽賜大明會典還、始知宗系之辨正、宣祖取覽山海關主事馬維銘賀詩、御製步其韻、一時詞臣、皆承命和進、至是、上追感鴻恩、御製和前韻、並錄宣廟御製、諸臣和章、名曰光國志慶錄、英宗甲子、又以御製恭和前韻詩、補編重刻。

奉謨堂藏印紙一牒一片

大訓一卷

英宗辛酉 御撰、歷叙逆臣金一鏡、陸虎龍、謀危儲闈、釀成誣獄之罪、告太廟、頒中外、飾掌銓臣、勿以黨目、互對用人。

校書館藏 缺印紙五張

常訓一卷 續常訓一卷

英宗乙丑 御撰、分敬天、法祖、敦親、愛民、祛黨、崇儉、勵精、勤學、八目、其續編、則戊寅 御撰、



撮原書中敬天愛民二目、而推演其餘意、蓋敬天愛民、爲八目之綱領也。  
奉謨堂藏印紙一牒四張

自省編二卷、續編一卷

英宗丙寅 御撰續編、己卯 御撰、並分內外二篇、內篇以身心爲主、外篇以鑑戒爲主、教  
諸臣曰、自今言動政令、有違於自省編者、以其書陳戒。

奉謨堂藏印紙二牒十八張

古今年代龜鑑一卷

英宗丁丑 御撰、先叙歷代享年長短、而凡其立國規模、嗣王繼述、無不溯沿今古、指舉得  
失、末復會極、歸要于尙書無逸之旨、總二千餘言。

奉謨堂藏印紙七張

追慕錄一卷

英宗壬午 御撰時、上夢拜 肅廟、翌早、展拜璿源殿、出御 殿門外、親述感慕之懷。

奉謨堂藏印紙四張

揄揚盛烈錄一卷

英宗癸未，羣臣以聖壽光躋七旬，在宥恰滿四紀，請舉賀儀，乃於正月元日，告廟社，赦

中外，仍以廟社告文及頒赦綸音，合編劄劄，皆親撰也。

奉謨堂藏印紙三張

警世問答一卷、續錄一卷

英宗癸未 御撰、續錄甲申 御撰 御製小識曰：暮年自強之中，自顧六十八歲前事，且念末世風俗，自忸自慨，設爲問答，以警世名之。

原錄嶺南觀察營藏印紙一牒十八張 原錄大丘府藏印紙一牒十五張 續錄湖南

觀察營藏 缺印紙一牒十張一片

雲漢篇一卷

英宗甲申，以亢旱，親薦圭璧于廟于社，御撰文一篇，四言一百六十四句，戒諭方伯



守令。

開城府藏印紙五張 京畿觀察營藏印紙四張 關東觀察營藏印紙八張 海西觀

察營藏印紙七張 嶺南觀察營藏印紙五張

### 百行源一卷

英宗乙酉 御撰、專言事親之道、故名曰百行源、凡一千五百餘言、譯以方音、布諭衆庶。

江華府藏印紙十一張 嶺南觀察營藏印紙十一張 咸興府藏印紙十一張

### 小學指南二卷

英宗丙戌 御撰、分上下二篇、上篇、御註朱子題辭、下篇、演釋內外篇篇題旨義。

南漢開元寺藏印紙十一張 北漢太古寺藏印紙十一張

### 永世追慕錄一卷 續錄一卷

英宗庚寅 御撰、是歲九月、上、展謁 明陵、親述感慕之懷、分原續二編。

原錄奉謨堂藏印紙六張一片 續錄湖南觀察營藏印紙一牒十三張

續光國志慶錄一卷

英宗辛卯、遣使辨朱璘誣史、使還、御製銘一篇七言二句、王世孫及諸臣、承命賡和、  
奉謨堂藏印紙六張一片

樹德全編一卷

英宗辛卯、建肇慶廟于全州、奉李朝始祖司空位板、親述先公積德肇基之盛、告諭  
有位、勉以善繼。

奉謨堂藏印紙七張

耆考宴會錄一卷

英宗癸巳、聖壽躋于八旬、寶曆紀于五十、王世孫、陳章請進宴飾慶、乃宴耆考于金商  
門、(商似虎之誤)親綴樂歌一章、以主鬯得人爲喜、王世孫及在筵諸臣、皆承命賡和。

奉謨堂藏印紙一牒三張一片



勸世爲孝悌文一卷

英宗癸巳 御撰、推闡事親事長之道、鈔板廣頒、戒諭臣庶、凡一千三百餘言。

奉謨堂藏印紙七張

定銅闡冠禮文一卷

英宗癸巳、上、取覽春坊日記、命自今銅闡加冠服之禮、無踰十歲、親綴綸音、永垂來式。

奉謨堂藏印紙五張一片

心鑑一卷

英宗朝 御撰、以授 東宮、凡十三則、皆省察操存之要、燕澹體驗之工、（疑翼之誤） 卽 聖

人傳授心法之旨訣也。

奉謨堂藏印紙八張

關東賓興錄五卷

當宁癸丑、命關東伯、選本道儒生、爛習功令、窮經讀書者七十九人、分試科體、經義、親定第  
次、賜及策、除官有差、命內閣、詮編其優等諸作、鈐板壽傳、取周禮三物、寶與之義、以名之、卷  
中所載、御製策、凡二道、五經、四書、孝經、爾雅、條問、凡一百一十條、諸臣之應製條對、特附  
焉耳、今用廣韻例、係之 御撰。

原州牧藏印紙三牒十四張

右 御撰之書二十部

## 御 定

### 訓義資治通鑑綱目五十九卷

通鑑綱目、宋朱子撰、其綴緝成書、多出門人趙師淵之手、李朝 世宗丙辰、命集賢殿副校  
理李季甸等、因資治通鑑訓義、而撮其要語、逐節分註、復命集賢殿副校理李思哲、修撰崔  
恒等、警校、三閱歲、而書成、用活板印行、其綱文大字、世祖承命書之、後來鑲板、皆其翻刻  
本也。

湖南觀察營藏 剋印紙一百六十一牒二張



龍飛御天歌十卷

世宗乙丑集賢殿大提學權躡鄭麟趾等奉教撰以祖宗積累之深締造之艱後王不可不知撰述穆祖以後肇基之跡摠一百二十五章即宮中鈔梓以爲朝祭燕享之樂。  
嶺南觀察營藏冠印紙十五牒十張、

三綱行實圖三卷

世宗辛亥集賢殿副提學俛循奉教撰輯古今忠臣孝子烈女之卓然可法者並著圖說係以詩贊令鑄字所鈔板成宗時追刻諺譯于欄格之上。

海西觀察營藏冠印紙二牒十八張綾州牧藏印紙二牒十五張一片嶺南觀察營

藏缺冠印紙二牒十張關北觀察營藏缺冠印紙二牒十九張關西觀察營藏缺冠印紙二

牒十八張

新註無冤錄二卷

無冤錄元王與撰其書專言殺獄檢覆之事蓋因宋惠文洗冤錄趙逸齋平冤錄二書而損

益者、李朝 世宗戊午、吏曹參議崔致雲等、奉教註之、其註、事窮波源（波似淵之誤）字究巢穴、並著音訓、務主詳織。

忠州牧藏 卍印紙二牒十一張一片 關西觀察營藏 印紙三牒二張

### 天文類抄二卷

世宗朝、承政院承旨李純之奉教撰、取王羲明步天歌、雜采諸家、釋其旨意、又以天地風雲雷雨之說附之。

觀象監藏 卍印紙一牒十八張一片

### 諸家曆象集二卷

世宗癸丑、承政院承旨李純之奉教撰、輯歷代天文志及諸家象緯之說、分天文曆法儀象、晷漏四門。

觀象監藏 缺 印紙三牒五張

### 東國兵鑑二卷



文宗朝諸臣奉教撰、就三國史、高麗史、錄出其侵伐禦敵之事、凡三十七條。

嶺南右節度營藏印紙三牒六張一片

### 兵將圖說一卷

文宗辛未、我世祖、以首陽大君奉教撰集賢殿直提學李璿等音釋、蓋李朝初五衛兵陣之制也、舊有景泰本、天順本、互本詳略、弘治壬子、成宗命廣川君李克增等、考校二本而一之、有世祖英宗兩朝御製序。

海西觀察營藏印紙一牒六張 嶺南右節度營藏印紙一牒七張 關北觀察營藏

冠印紙一牒八張

### 易學啓蒙補解

卷數  
俟考

世祖丙戌、國朝寶鑑  
作戊寅議政府左參贊崔恒等奉教撰、先是、上在潛邸、以朱子啓蒙所著理數、有非凡學所可領悟、親爲要解、悉闡微奧、至是、又命恒等、增補訓釋。

關北觀察營藏印紙五牒四張

### 經國大典八卷

世祖朝議政府領議政崔恒等奉教撰，倣唐六典詮次，國初以來，成憲分吏、戶、禮、兵、刑、工六典，睿宗己丑書成刊進。

光州牧藏冠印紙七牒十張

### 五禮儀八卷、序例五卷

成宗甲午，高靈君申叔舟等奉教撰，始世宗朝，命禮曹判書許稠詳定諸祀序例，又命集賢儒臣詳定五禮儀，未及施用，世祖朝，命申叔舟、姜希孟等，更加撰次，至是書始成，原編八卷，專紀儀注，序例五卷，紀典章綱領，間附圖說。

嶺南觀察營藏冠印紙二十四牒十張

### 樂學軌範九卷

成宗癸丑，禮曹判書成倪等奉教撰，先是世宗庚戌，命知中樞院事朴堧取黍定律，採石作磬，以制朝祭之樂，又述唐鄉樂譜，至是取舊譜及儀軌，分爲雅、唐、鄉三部，而首之以樂調。



聲律、廣引前書、令人易解、有英宗御製序。

掌樂院藏印紙五牒十一張一片

#### 四聲通解二卷

中宗丁丑、內瞻寺副正崔世珍奉教撰、以申叔舟四聲通攷、有音無釋、雜採韻書、逐字釋義、又以玉篇係下。

司譯院藏印紙五牒一張

#### 續三綱行實圖三卷

中宗辛未、兩館大提學申用漑等奉教撰、取李朝初以來、公私乘牒及明一統志、採其忠孝、烈不及與原編者七十人、圖贊諺譯、以續原編。

關西觀察營藏 缺 印紙二牒十二張

#### 救荒撮要一卷、辟瘟方一卷

舊傳 世宗朝命撰、然考卷首、載明宗甲寅賑恤應啓語云 世宗朝、著救荒辟穀方、邇

者、湖嶺飢、遣使賑饑、又鈔救荒方之最要者、名曰救荒撮要、印布中外、而吏慢民頑、曾不預講、請飭中外、鏤板廣諭、據此則是書之撰、當在 明宗初 中宗末矣。

海西觀察營藏刻印紙十張

周易諺解九卷、書傳諺解五卷、詩傳諺解二十卷、大學諺解一卷、論語諺解四卷、孟子諺解十四卷、中庸諺解一卷

宣祖朝儒臣等奉教撰、始 世祖、以我東學者、口讀不明、分授四書五經于鄭麟趾、申叔舟、崔恒等、因鄭夢周權近所撰口訣、而訂定之、至是、設局校正、以方音譯經文、並釋其旨義、纂修諸臣名氏之可攷者、惟柳希春、申欽、李廷龜、沈岱、而餘不可詳、其設局干支、則諸臣私乘、或稱癸酉、或稱辛丑、可推其起訖之遲遠也、 仁祖初、始頒之諸道、貢闈取士、一切準是、與永樂大全相表裏。

北漢太古寺藏刻周易印紙十一牒十張、書傳印紙十一牒十五張、詩傳印紙十六牒二張、大學印紙十七張、論語印紙七牒十張、孟子印紙十五牒十張、中庸印紙一牒十七張、嶺南觀察營藏刻周易印紙十牒十五張、書傳印紙十牒十五張、詩傳印紙十三牒十張、三張、大學印紙十六張一片、論語印紙七牒六張、孟子印紙十四牒十九張一片、中庸印



紙二牒十五張 寧邊府藏 冠周易印紙九牒十八張一片、書傳印紙九牒十二張一片、詩傳印紙十二牒十二張一片、大學印紙十六張、論語印紙七牒二張、孟子印紙十二牒十九張、中庸印紙一牒七張一片

### 東醫寶鑑二十五卷

宣祖丙申、太醫許浚等奉教撰、出內藏方書五百卷、以資考据、首內景、次外形、次雜病諸方、以至脉訣証論、藥性治法、攝養要義、鍼石諸規、採摭繁富、條理井然、其內景篇中形氣神三類、鄭經措是正、故尤精密可喜、近有燕肆刻本、桂陽縣事凌魚序之。(桂陽上似當有知字)

湖南觀察營藏 冠印紙三十八牒十六張一片 嶺南觀察營藏 冠印紙四十九牒十七張

### 小學彥解六卷

舊有 中宗戊寅刻本、即己卯諸賢所撰也、後從程愈集說改撰、未詳其時也、顯宗丙午、又以改撰本、與李珥集註、間多逕庭、命弘文館釐櫛、蓋前後凡三撰、而戊寅本、久佚、今行者、皆改撰兩本也、有 英宗御製序。

原州牧藏印紙十二牒十五張 海西觀察營藏印紙十二牒十四張 湖南觀察營藏  
印紙十二牒七張 嶺南觀察營藏印紙十五牒五張 慶州府藏印紙十牒十  
一張一片 善山府藏印紙十四牒 蔚山府藏印紙十二牒七張一片 醴泉郡藏  
印紙十二牒七張 清道郡藏印紙十二牒十一張 禮安縣藏印紙十二牒九張  
居昌縣藏印紙十二牒八張 關西觀察營藏印紙十三牒

### 濬源系譜紀畧二十二卷

肅宗己未編首 先系以肇王跡、次繼序、以正大統、次世繼、以昭玉牒、次 八高祖圖、以備  
源流、次子孫譜、以詳派別、當宁壬寅、重加訂定、凡書法之失實、年月之闕誤、廣考文獻、多  
所修潤。

宗簿寺藏印紙十七牒三張一片

### 北道陵殿誌八卷

英宗戊寅、戶曹參議魏昌祖奉教撰、紀關北 十陵 兩殿 兩本宮故實及象設之儀、崇  
奉之典、如讀書堂、馳馬臺、赤田、赤島、釋王寺等、凡有李朝初遺蹟者、皆以其類附焉、本係昌



祖私撰，戊辰，上，徵覽其藁，仍命昌祖續修，至戊寅書成，有御製題。

關北觀察營藏<sub>冠</sub>印紙五牒十張

### 闡義昭鑑四卷、諺解四卷

英宗乙亥，領中樞府事金在魯等奉教撰，起自景宗辛丑，迄于英宗乙亥，記逆賊趙泰

考、柳鳳輝、李麟佐、尹志等逆節始末，間著論斷于記事之下。

南漢開元寺藏印紙十牒 湖西觀察營藏印紙十四牒七張 海西觀察營藏印紙十

一牒十一張 嶺南觀察營藏印紙十五牒 關北觀察營藏闕諺解<sub>冠</sub>印紙四牒十三

張 關西觀察營藏印紙十二牒一張

### 續大典六卷

英宗甲子，刑曹判書徐宗玉等奉教撰，始成宗朝，以經國大典所未錄之條制，編爲續錄，

中宗朝，有後續錄，肅宗朝，有典錄通考，雖皆羽翼大典，然各爲一書，眩於考據，至是以續

錄通考及各司掌故之書，一做大典義例彙類成書，有御製戒勅六典四言及綸音弁首。

校書館藏<sub>冠</sub>印紙五牒十九張

續五禮儀五卷、序例一卷、補編二卷

英宗甲子、兩館大提學李德壽等奉教撰、申叔舟原書出後、累朝因革、只憑禮曹掌故之書、汗漫無統、艱於考据、至是、命德壽等續修之、分門義例、一依原書、其補編二卷、辛未禮曹判書申晚奉教撰

嶺南觀察營藏 卮印紙八牒五張

國朝喪禮補編六卷、圖說一卷

英宗壬申、吏曹參判金致仁等奉教撰、以五禮儀所載喪禮、古今異宜、間多因革、悉取前後儀軌、損益編摩、以補五禮儀之闕、然各爲一書、艱於互閱、丁丑、重加修潤、取五禮喪禮篇、合編類彙。

湖西觀察營藏 卮印紙十三牒 湖南觀察營藏 卮印紙十一牒十四張一片 嶺南觀察

營藏 卮印紙十二牒五張

守城節目一卷



英宗辛未、備局諸臣奉教編、國制、以王城五部四十九坊、分屬訓局禁衛御營三營、用備有事時徵發、舊有節目未頒、至是、命諸臣修潤之、首分界之圖、次分界總錄、次守城節目、鈔板廣布、有御製繪音弁之。

校書館藏 缺印紙六張一片

### 訓義小學大全六卷

小學、宋朱子撰、以朱子集中癸卯與劉子澄書考之、實子澄之所類次、猶通鑑綱目之出趙師淵手也、初附文章一門、後乃改定爲內篇四、外篇二、舊有本朝李珣集註、英宗甲子、命儒臣、就舊註增潤、名曰思政殿訓義小學大全、有肅宗英宗兩朝御製序識。

原州牧藏印紙八牒五張 海西觀察營藏印紙八牒 湖南觀察營藏印紙七牒十

九張一片 嶺南觀察營藏印紙十牒五張 嶺南左節度營藏印紙八牒 慶州府

藏印紙八牒 安東府藏印紙八牒三張 尙州牧藏印紙九牒十八張 星州牧

藏印紙八牒十張 東萊府藏印紙八牒 咸陽郡藏印紙七牒十七張一片 義城縣

藏印紙八牒五張 關北觀察營藏印紙八牒十九張 關西觀察營藏印紙九牒

一張 成川府藏 缺印紙七牒十張

皇極一元圖二卷

英宗甲午，弘文館提學徐命膺奉教撰，推衍邵子經世書之旨，爲元會運世之圖，起甲子會，止庚午會之十二運書契，以前以一井爲一世，一行爲一運，伏羲以後，以一圖爲一運，一井爲一年，略著事實大綱，而中國在井之右，東國在井之左，又有千歲曆一卷，紀方來一百九十年之節氣早晚。

校書館藏 冠缺 印紙三牒三張

續兵將圖說一卷

英宗己巳，南漢守禦使趙觀彬等奉教撰，以光廟御撰兵將圖說，即五衛陣法，與今兵制有異，用見行五營之制，續成此篇，先圖說，次程式，有御製序。

訓鍊都監藏印紙二牒十一張一片 鐵原府藏印紙二牒十五張 關西觀察營藏印紙三牒四張

兩漢詞命九卷



英宗辛巳、弘文館副提學徐命膺奉教編選漢高祖文帝景帝昭帝宣帝後漢光武明帝章帝策制詔勅之可爲法則者略掇註語旁採先儒評隲間有御評則大書標匡以別之、有

御製題。

嶺南觀察營藏 卮印紙四牒十張

### 奎章全韻二卷

當宁壬子奉教撰、以貢衛所用韻書魯莽疎陋命內閣改撰之、補增稀字、則旁參康熙詩韻演釋、字義、則博證字典諸書、四聲分格、以存沈約之舊、古叶古通、多取邵氏之書、至丙辰刊頒學宮、自今科體詩、許押入聲增韻。

鑄字所藏有大小二本並印紙二牒五張

### 國朝寶鑑六十八卷、別編七卷

當宁辛丑奉教撰、記列聖朝謨訓功烈之可爲後世法者、始世祖朝、命大提學申叔舟等撰、太祖太宗世宗文宗寶鑑、謂之四朝寶鑑、肅宗朝、命工曹叅判李端夏撰、宣廟寶鑑、英宗朝、命大司成李德壽撰、肅廟寶鑑、前後凡三撰寶鑑、而餘十二朝謨

烈、尙闕撰述，是歲、英宗實錄成，議將繼編寶鑑，遂命館閣臣並編。十二朝寶鑑，與三寶鑑及英廟寶鑑，合爲一書，其別編、紀仁祖以後尊攘之義，翌年壬寅告獻。宗廟分藏。

當朝寶鑑于各室，以爲萬世楷式。

校書館藏印紙四十四牒十五張一片

### 咸興 本宮儀式二卷 永興 本宮儀式二卷

當宁乙卯奉教撰、咸興 本宮，在雲田社，太祖潛龍舊宅奉 穆祖以下五朝位板、永興

本宮，在順寧社，太祖誕降舊址奉 太祖位板，蓋倣漢之原廟也，國初遣重臣守之，後

送內司別坐典祀，因謬違式者，且幾百年，當宁辛亥，因舊制而修潤之，節文物，煥然以

新，是歲，又以 流虹舊甲，追躋 桓祖于永興 本宮，命內閣編成儀式，凡建置事實，享儀

祭品，有表有說，一展卷可按，有 御製題。

關北觀察營藏印紙五牒三張

### 宮園儀四卷

當宁己亥奉教撰、謹載 景慕宮 永祐園儀物節文、圖說一卷、儀注二卷，又紀丙申以後



崇奉事實爲附錄有 御製引。

校書館藏印紙三牒十七張

明義錄三卷、諺解三卷、續明義錄一卷、諺解一卷

當宁丙申奉教撰記乙丙凶徒作逆之顛末，以 御製尊賢閣日記及綸音爲首卷，其下二卷，取政院日記、金吾文案、朝臣疏啓、刪繁節要、立綱分目、事關義理處，則逐段著論，略倣史法，其續編，記丁酉龍輝之變治獄顛末，義例，一倣原編。

湖南觀察營藏印紙十五牒九張一片 嶺南觀察營藏印紙二十三牒四張 統制營藏印紙十七牒十一張 關西觀察營藏印紙十七牒十七張

欽恤典則一卷

當宁丁酉奉教撰時命京外釐正刑具，此卽象魏布刑之書也，杖笞枷杻，皆著其厚薄尺寸，官之高下，用有差等，罪之大小，律隨重輕，凡十一目，有 御製序。

校書館藏印紙十七張一片 湖南觀察營藏印紙十七張一片 嶺南觀察營藏印紙十七張一片 關西觀察營藏印紙十七張一片

字恤典則一卷、諺解一卷

當宁癸卯、以歲儉、設賑賙恤、既又命有司、略倣通濟院育嬰社之制、凡道路遺棄之兒、聽民收養、官給米絮、撰著節目九條、永爲令式。

校書館藏印紙七張一片

大典通編六卷

當宁乙巳奉教撰、以大典原續、各爲一書、艱於考據、取二書合編之、又以後出之受教制度、隨其類增入、分門列目、一從原典義例、繁簡間有更定、使四百年金科玉條、一展卷、瞭若指掌、有御製小題。

校書館藏印紙九牒六張一片 湖西觀察營藏印紙十一牒十張 湖南觀察營藏印

紙九牒十二張 關西觀察營藏印紙九牒十張

金忠壯遺事五卷

當宁戊申、賜故忠勇將軍金德齡諡忠壯、既又命取其詩文及年譜紀傳碑贊、編爲三卷、又



以德齡兄德弘其弟德普遺集遺蹟附之、有御製序。

光州義烈祠藏印紙二牒十四張一片

### 兵學通二卷

當宁丙申奉教撰、始我國兵制、專用兵學指南、而營各異式、有礙通習、是書彙輯訓局龍虎禁御四營場操程式、較絜異同、以便按閱、又以陣圖附之、至乙巳、刊頒中外、有御製序。  
軍器寺藏印紙二牒十八張

### 肄陣總方一卷

當宁辛丑奉教撰、紀內府廟肄操練之方、凡十四目、有圖有說。

內府藏印紙九張

### 武藝圖譜通志五卷、諺解一卷

當宁庚戌奉教撰、始禁苑練兵之制、只有弓矢一技、宣祖朝、命訓局郎韓嶠、從東征將士傳棍棒等六技、纂譜刊行、英宗朝、小朝、代聽庶務、增竹長槍等十二技、作爲新譜、至

當宁、光承前烈、復增以騎藝等六技、並前譜所載總二十四技、遂命諸臣、裒合原續圖譜、博引群書、箋釋源流、其器法之利鈍得失、則間附按說而評騭之、又有諺解一卷、冠以總譜總圖、益就簡要、另爲一書、有御製序。

壯勇營藏原編印紙七牒十三張、諺解印紙二牒十三張一片

### 協吉通義二十二卷

當宁甲寅奉教撰、取魏鑑象吉通書、梅穀成協紀辨方書、芟繁正訛、會通詮次、而增以推測占驗、盡破術家附會之說、斷以五行生剋之理。

觀象監藏印紙二十一牒一片

### 史記英選六卷

當宁丙辰 御定、選史記一本記、二世家、二十二列傳、太史公自序附下、自鑄字所活板擺印、分送關西、嶺南、湖南、翻刻壽傳。

湖南觀察營藏印紙六牒二張一片 嶺南觀察營藏印紙六牒二張一片 關西觀察

營藏印紙六牒二張一片



八子百選六卷

當宁辛丑 御定、就明茅坤八大家文鈔、選其體裁齊整氣格圓活者一百篇、命內閣校對印頒、俾作昭代摛文之矩矱。

鑄字所藏印紙五牒九張

朱書百選六卷

當宁甲寅 御定、以操觚家、日趨明季尖新奇袤之體、宵旰憂勤、思有以一變至道、親選朱子書牘中最粹者百篇、印布中外、用作回醇反經之指南。

湖南觀察營藏印紙四牒十四張 嶺南觀察營藏印紙四牒十四張 關西觀察營藏印紙四牒十四張

嶠南賓興錄一卷

當宁壬子、遣內閣臣、致侑于禮安陶山書院、下 御題賦一道、經義一道、試陪班儒生、收其券、馳驛以進、親考選三十人、賜第一第二人及第、命嶺南伯取優等作、鍍板壽傳、以 御製

致祭文綸音弁之。

禮安陶山書院藏印紙六張一片

右 御定之書四十六部

鏤板考 卷第一



鏤板考卷第二

大邱徐有槩著

豐山洪命憲校訂

經部

總經類

周易大全二十四卷、書傳大全十卷、詩傳大全二十卷、大學大全一卷、  
論語大全二十卷、孟子大全十四卷、中庸大全一卷

明永樂中翰林院學士胡廣等奉勅撰、易用董楷董真卿胡一桂胡炳文四家之書、書用陳櫟陳師凱二家之書、詩用劉瑾通釋、四書用倪士毅輯釋、剿襲釘飭、鹵莽成書、而立之學官、定爲一代取士之制、論者謂經學盛衰所由云、舊並禮記春秋謂之五經、四書大全、我東刻本、僅止三經四書、又闕庸學或問。

北漢太古寺藏、周易印紙二十八牒、書傳印紙十八牒十張、詩傳印紙二十牒六張、大

學印紙一牒十七張、論語印紙十七牒八張、孟子印紙十四牒十七張、中庸印紙三牒五張、  
濟州牧藏<sup>冠</sup>大學印紙四牒、論語印紙十二牒十四張、孟子印紙十六牒十八張、中  
庸印紙二牒四張、嶺南觀察營藏<sup>冠</sup>周易印紙二十七牒十五張、書傳印紙十七牒、詩  
傳印紙十九牒一張、大學印紙二牒、論語印紙十六牒五張、孟子印紙十三牒十三張、中  
庸印紙三牒五張、關北觀察營藏<sup>冠</sup>周易印紙二十八牒十張、書傳印紙二十二牒五  
張、詩傳印紙二十三牒十五張、大學印紙一牒十二張、論語印紙十七牒二張、孟子印紙  
十三牒一張、中庸印紙三牒二張、寧邊府藏<sup>冠</sup>周易印紙二十七牒三張一片、書傳印  
紙二十牒八張、詩傳印紙二十二牒十六張一片、大學印紙一牒十一張一片、論語印紙  
十五牒十九張、孟子印紙十二牒十二張、中庸印紙二牒十八張

### 三經四書講經四十九卷

不著編人名氏、祇載經文、節略訓詁、蓋明經記誦之書。

關西觀察營藏<sup>缺</sup>周易印紙六牒十六張一片、書傳印紙五牒一張、詩傳印紙七牒十張  
一片、大學印紙十張一片、論語印紙五牒十九張、孟子印紙五牒十四張一片、中庸印紙  
一牒一張



陽村入學圖說一卷

李朝議政府左贊成文忠公權近撰、自題云、洪武庚午、謫金馬郡、授鄉人庸學、爲其易解、作圖示之、旁及他經、仍記問答之語、各附圖下。

清道紫溪書院藏 缺印紙一牒十張

經書釋義八卷

李朝議政府左贊成文純公李滉撰、哀輯諸家口訣、而證訂之、間附與門人辨難之說、宣廟朝、纂修經書諺解、以是書爲藍本云。

禮安陶山書院藏 剋印紙二牒十一張一片

右總經類四部

易類

易傳四卷

宋程子撰、門人楊時校正、經文用王弼之本、惟解上下經、彖象及文言、亦與弼同。

南漢開元寺藏印紙九牒十張

### 周易本義十二卷

宋朱子撰、近世刻本、皆改從程傳之次第、此本以經爲二卷、十翼爲十卷、猶朱子之原本也、  
附音訓考異。

南漢開元寺藏印紙七牒十張

### 大河圖一卷、小河圖一卷、

李滉退溪集作  
啓蒙圖書切要

李朝禮賓寺正趙有亨撰、李滉小識云、金慕齋思齋、得此圖於趙公、趙即金之姨母夫也、因  
易學啓蒙諸書、而湊成此圖、可爲初學指南。

星州檜淵書院藏大河圖刊印紙十四張、小河圖印紙三張

### 啓蒙傳疑一卷

李朝李滉撰、朱子啓蒙、本諜蒙之書、諜似諜之誤故不厭淺近、爲其易解、而滉之此書、又博引諸



家圖說箋註，而參訂之，蓋亦諜蒙之諜蒙也。

禮安陶山書院藏，缺印紙一牒十九張一片，關北觀察營藏，印紙二牒六張。

### 周易本義口訣附說二卷

李朝刑曹參判崔岵撰，舊有鄭麟趾等所撰周易口訣萬曆壬寅設局校正，岵請補一僻郡，專意治易，尋爲杆城郡守，撰次是書，隨疏以進其書，以方音譯句讀，而往往自立己見，不盡從傳義。

關西觀察營藏，印紙二牒十八張一片。

### 易學圖說九卷

李朝議政府右參贊文康公張顯光撰，蒐集古今易家諸圖，雜采經傳箋註之說以系之，觸類汎濫，推及於醫曆術數。

仁同東洛書院藏，印紙十四牒。

右易類六部

書類

書集傳七卷

宋蔡沈撰，其說原出朱子，而與朱子頗有異同，據其子杭進表，尙有小序一卷，朱子問答一卷，問答久佚，小序雖尙存，而宋以來刊本，悉不載，今本附序辨一卷及音釋。

南漢開元寺藏印紙十三牒十張

書傳正音四卷

當宁甲辰，司譯院校刻，但錄經文，註以華音。

司譯院藏印紙三牒十四張

範學全編六卷

李朝議政府左議政文純公朴世采編，取朱子易學啓蒙中洛書圖說及蔡氏洪範集傳，皇極內篇，合編之，又采箕子言之雜見經傳者附下。



平壤府藏 剋印紙七牒十四張

右書類三部

詩

類

詩集傳二十一卷

宋朱子撰其初稿亦用小序後與呂祖謙相難遂改從鄭樵別著辨說以攻小序(攻似改)今刻本、英宗御製序弁首序辨一卷及音釋附末。

南漢開元寺藏印紙三十牒

詩傳正音七卷

當宁甲辰司譯院校刻說見書類

司譯院藏印紙五牒

右詩類二部

禮類

纂圖互註周禮十二卷

後漢大司農鄭玄註，首載周禮經圖及唐賈公彥正義序，周禮廢興序，又於鄭氏註中，間附他解，以重言重意，互註等目，標別之，未詳其出於誰手，李朝金宗直趙綱金演，各有跋語，並不著編人名氏，金演跋則云從家塾得活字本鈔板。

高靈縣藏 缺 印紙十四牒四張

禮記淺見錄二十六卷

李朝權近撰，近謂禮記篇章，多亂於漢儒拾藩之餘，參究同異，更定章句，其註解則專采黃震、陳澧二家，而附以己見，永樂中，知申事黃喜，聞于朝，給奉書局楮筆，令近門人金泮等繕寫以進，又命校書館用活板印之，以備經筵講讀。

濟州牧藏 缺 印紙二十三牒八張 嶺南觀察營藏 缺 印紙二十三牒二張



## 禮記補註三十卷

李朝議政府領議政忠靖公金在魯撰、以陳澹集說、間多踈舛、雜採註疏諸家及東儒劄記、而補訂之、往往附以己說。

清道郡藏印紙九牒十五張一片

右禮類三禮之屬三部

## 司馬氏書儀十卷

宋尚書左僕射文正公司馬光撰、分書式冠儀婚儀喪儀四目、其禮本之儀禮、參以當時可行、朱子、亟稱其七分好、文公家禮、蓋多折衷於是。

嶺南觀察營藏印紙三牒十六張

## 奉先雜儀二卷

李朝議政府右贊成文元公李彥迪撰、本之文公家禮、參以司馬氏程氏祭禮及時俗之宜、又採經傳所見報本追遠之義附之。

慶州玉山書院藏印紙十三張

### 五先生禮說前集八卷、後集十二卷

李朝司憲府大司憲文穆公鄭述撰、取明道伊川、涑水、橫渠、朱子禮說、分門類彙、片言單辭之雜見於語錄箋註者、無不蒐羅、其論王朝禮者爲前集、論家禮者爲後集。

星州檜淵書院藏 缺印紙十五牒

### 五服沿革圖一卷

李朝鄭述撰、取儀禮五服圖、而訂正之、參以歷代沿革之制、凡三十五目。

龍潭校宮藏印紙一牒二張 星州檜淵書院藏 缺印紙八張

### 四禮訓蒙一卷

李朝議政府領議政兩館大提學鰲城府院君文忠公李恒福撰、金止男序云、公以說禮之家、但治名物度數、不究聖人制禮之精義、採禮經要語、而詮次之、使可一開卷、瞭然知儀文品節之各有義意。



星州雙溪寺藏印紙二牒十張

家禮考證七卷

李朝安州牧使曹好益撰其喪禮成服以下未及編著而卒門人金堉等得其劄記之雜見者序次以續之。

永川道岑書院藏印紙六牒十張

家禮輯覽十一卷

李朝刑曹參判文元公金長生撰取諸家論辨刪繁掇要彙註于逐條之下又爲圖說弁首。  
連山遯巖書院藏印紙十二牒

喪禮備要二卷

李朝金長生因申義慶所撰而修潤之蓋以禮易失於急遽凶變之際苟非素講難以應節本原家禮參以諸家間附時俗之制使可按而行之至今東人言喪禮者視爲券契。

北漢太古寺藏印紙三牒 連山遯巖書院藏印紙二牒十二張 全州石溪書院藏

印紙三牒五張 濟州牧藏冠印紙二牒十二張 嶺南觀察營藏印紙三牒十張 關

北觀察營藏冠印紙五牒十二張 關西觀察營藏冠印紙三牒四張 寧邊府藏冠印

紙三牒三張

### 疑禮問解四卷、續解一卷

李朝判中樞府事文敬公金集、取其父長生所答知舊門人疑禮問目、分部彙類、并著問答、其續解即集之禮說、而集門人尹宣舉所編也、大抵其書、崇言家禮、尤詳喪服、惟續解編末、喪禮異同、議論王朝之禮、孝宗己丑投進之本也。

全州石溪書院藏冠印紙七牒 濟州牧藏印紙七牒一張

### 五服通考九卷

李朝黃海道觀察使申滌撰、滌之初名也、上自儀禮、下訖麗季、凡論五服之制者、蒐羅彙輯、著其沿革、五服之外、並及五世祖免、同爨改葬、師友舉主、郡縣吏爲其守令、僕隸爲其主之服、凡三十一目。

星州雙溪寺藏印紙四牒六張



## 四禮問答四卷

李朝司諫院大司諫金應祖編，取朱子及李滉、柳成龍、鄭述、張顯光疑禮問答之書，截略要語，分冠、婚、喪、祭四編。

榮川郡藏印紙五牒

## 家禮源流十六卷、往復書一卷

李朝吏曹參判文忠公俞棨撰，以家禮本文立綱，博采三禮經文及宋元諸家東儒禮說爲目，又以王朝四禮爲續錄，始棨以其書托尹宣舉修潤，及肅宗癸巳，相臣李頤命達于朝，將鈔行其書，宣舉子拯及其孫行教不肯還之，乃以棨初本登梓，有棨孫相基與行教往復之書附下。

林川七山書院藏印紙二十三牒五張

## 六禮疑輯三十三卷

李朝朴世采撰，雜採杜氏通典及宋儒禮說，分冠、婚、喪、祭、鄉飲酒相見禮六類，而倣鄭述五

先生禮說、分前後二編、又採東儒禮說爲別編。

嶺南觀察營藏印紙三十二牒二張

### 三禮儀一卷

李朝朴世采撰、以金長生喪禮備要、闕冠婚祭禮、爲此以補之、首揭圖式、末附後說。

義興縣藏冠印紙三牒二張 關西觀察營藏印紙一牒十四張

### 南溪禮說二十卷

李朝工曹判書文敬公金幹、取其師朴世采禮說之雜出於書牘問答者、分類詮次、以書院禮、王朝禮附之。

平壤府藏冠印紙二十一牒一片

### 明齋疑禮問答八卷

李朝議政府右議政文成公尹拯門人編、義例、一倣疑禮問解。

尼城魯岡書院藏印紙十五牒十三張



四禮儀

卷數  
俟考

李朝司諫院大司諫沈昂之撰、採文公家禮及東儒禮說中合於時宜者、分冠婚喪祭四目。  
成川府藏印紙二牒十張

右禮類雜禮書之屬十七部

春秋類

春秋正音四卷

當宁甲辰、司譯院校刻、說見書類

司譯院藏印紙二牒十三張一片

魯史零言二十九卷

李朝李恒福撰、取春秋內外傳年經月緯屬事合編、而繁文支辭間加刪刊、疑義名物、略綴  
註釋。

星州雙溪寺藏缺印紙二十四牒

右春秋類二部

四書類

大學章句一卷、論語集註十卷、孟子集註七卷、中庸章句一卷

宋朱子撰四書之名始此、今刻本大學中庸二書有英宗御製序。

南漢開元寺藏印紙十九牒十張

大學正音一卷、論語正音四卷、孟子正音六卷、中庸正音一卷

當宁甲辰司譯院校刻、說見書類。

司譯院藏印紙八牒十二張一片

大學章句補遺一卷、續或問一卷

李朝李彥迪撰、其書以物有本末、知止而后有定二節、爲格致之傳、是時、董王黃蔡考正之



本未傳我國、而彥迪之說、先與之合、其移聽訟一節于經文之下、則又據程子之本也、當  
宁甲寅、御製序、弁其卷。

慶州玉山書院藏印紙一牒三張一片

### 大學童子問答一卷

李朝曹好益爲其門人金鉉撰雜記平日課蒙之說（課疑課之誤）故謂之童子問答。

永川道岑書院藏印紙十六張

右四書類四部

### 問義通攷三十四卷

李朝宋時烈撰、以朱子論孟或問中所云某說是者、其全載在精義、苟無精義參互、難以知  
或問取舍之義、遂以精義彙附于或問逐條之下、其非或問所引則闕之、後門人權尙夏、並  
取補錄。

安東府藏印紙二十四牒十張

小學類

禮部韻略四卷、玉篇一卷

宋殿中丞邱雍所定、知制誥丁度重修、其書收字最狹、亦多疎舛、而宋一代程試、懸爲功令、不敢一字出入、南宋坊本、舊有釋文互註及貢舉條式一卷、今刻本並不錄。

清道仙巖書院藏印紙四牒五張

增補三韻通考一卷

三韻通考、不著撰人名氏、或云出自日本、分三格橫看、倣古表譜之例、至今操觚之家、奉爲律令、然所收至約、註解不過二三字、李朝金濟謙成孝基同編增補。

北漢太古寺藏印紙二牒十三張 淳昌郡藏印紙二牒十張 濟州牧藏印紙二

牒一張 清道郡藏印紙二牒九張 關北觀察營藏<sub>冠</sub>印紙二牒四張

三韻通考補遺五卷



李朝同知中樞府事朴斗世撰，亦因三韻通考而補訂其註，又增通考未收字若干。

尼城魯岡書院藏印紙四牒 蔚山府藏印紙七牒十五張

### 篆海心鏡五卷

李朝金振興撰，金萬基序云君以我東申汝權篆韻未究字畫之變，景惟謙便覽尤踈略無法，迺用玉筋體寫四聲，而每字各具其變法。

關北觀察營藏缺印紙四牒十張

### 華東正音通釋韻考二卷

李朝朴性源撰，取三韻通考分註華音東音于字下，俗音訛誤多有是正，有當寧御製序。

鑄字所藏印紙二牒十五張一片 司譯院藏印紙二牒十三張一片 湖南觀察營藏

印紙二牒十五張 關西觀察營藏印紙二牒十五張一片

右小學類五部

## 鏤板考卷第二





鏤板考卷第三

大邱徐有渠著

豐山洪命憲校訂

史部

通史類

史記評林一百三十一卷

漢太史令司馬遷撰，舊缺其十篇，褚少孫補之，古註存者有襄網集解、司馬貞索隱、張守節正義、宋元豐刻本，合三書爲一，明凌稚隆又輯諸家評語，謂之評林，然東國刻本，率皆刊去評語，獨冒其名爾。

湖南觀察營藏 剋印紙六十四牒五張一片

漢書評林一百一卷

後漢玄武司馬班固撰其妹昭續成之唐顏師古註明凌稚隆又採諸家丹鉛之評彙次鑄之、名曰評林、東刻本之刊略評語亦猶史記評林也。

嶺南觀察營藏印紙七十四牒

### 漢雋四卷

不著編人名氏、或云本朝金尚憲編、選漢書列傳三十二篇、並著註解、別有崔崑所編漢雋、以方音譯其口讀、板在關北、今佚。

長城府藏印紙七牒三張一片

### 史漢一統十六卷

不著編人名氏、選史記二本紀、二世家、一書、四十四列傳、漢書三十八列傳、而太史公報任安書、附史記之末。

慶州府藏印紙二十四牒十張一片

### 三國誌六十五卷



晉著作郎陳壽撰其書頗高簡有法宋之葉適推爲班固之上然其乞米作佳傳不與蜀正統未免後儒之論端云。

濟州牧藏冠缺印紙二十五牒一張

### 通鑑節要五十卷

宋少微處士江贊撰裔孫淵音註其書取司馬氏資治通鑑而節要之江鎔序云具存點抹以舉其綱而我東刻本率皆刊去之。

南漢開元寺藏冠缺印紙三十三牒五張 北漢太古寺藏冠缺印紙三十三牒五張 濟州

牧藏冠缺印紙三十牒二張 安東府藏冠缺印紙三十三牒 關北觀察營藏冠缺印紙三十

五牒 關西觀察營藏冠缺印紙三十五牒二張

### 十九史略通攷八卷

明進士曾先之撰其元紀以下余進續成之題云十九史略而其實編年體也。

南漢開元寺藏冠缺印紙十五牒十張 北漢太古寺藏冠缺印紙十五牒十張 湖南左節

度營藏冠缺印紙十五牒 濟州牧藏冠缺印紙十七牒十張 慶州府藏冠缺附觀察使鄧昌

順所撰明紀一卷印紙十七牒十四張 關北觀察營藏 卮印紙十五牒 寧邊府藏 卮印紙十二牒十一張一片

### 歷代通鑑纂要九十二卷

明弘治中華蓋殿太學士李東陽等奉勅撰、取通鑑綱目撮其要略、又採通鑑前編續綱目諸書、上溯三皇、下訖元季、正德二年書始成、御序刊布。

嶺南觀察營藏印紙八十八牒

### 帝王歷年通攷一卷

李朝大君師傅鄭克後撰、義例頗菲略、不足考据。

慶州西岳書院藏 卮印紙六張

### 麗史提綱二十三卷

李朝俞棨撰、做朱子通鑑綱目體、編年繫月、立綱以提要、著目以紀事。

嶺南觀察營藏印紙二十九牒十五張



東國通鑑提綱十四卷

李朝司諫院司諫洪汝河撰、取徐居正東國通鑑立綱分目、倣朱子通鑑綱目之例、始於箕子爲正統之首、繼以馬韓黜衛滿之僭、而馬韓未亡之前、辰韓、下韓、並用附庸之例、其不及於高麗者、以其別有麗史彙纂也。

尙州近崙鄉賢祠藏印紙十一牒五張

右通史類十一部

雜史類

懲毖錄十六卷

李朝議政府領議政兩館大提學豐原府院君文忠公柳成龍撰、記萬曆間禦敵始末、起壬辰迄于戊戌、其本有二、在安東者二卷、在龍宮者十六卷、附以狀啓文移。

安東屏山書院藏印紙二牒六張 龍宮縣藏印紙十一牒十五張

晉州叙事一卷

李朝工曹叅議安邦俊撰、叙萬曆壬辰之難金千鎰、黃進、崔慶會等守城死事始末。

順天府藏 卍印紙四張一片

右雜史類二部

傳記類

孝行錄一卷

高麗門下侍中鷄林府院君文忠公李齊賢、爲其師權溥、作孝行六十二人圖贊、李朝權近註之、齊賢自序云、辭語不嫌冗卑、蓋欲田野之民、皆得易知也。

慶州龜岡書院藏 卍印紙一牒三張

二倫行實圖一卷

李朝司譯院正曹伸撰、正德中承政院承旨金安國、以三綱行實、不及兄弟朋友、請撰二倫



行實以續之、既而安國、出按嶺南、遂囑仲撰次之、圖贊諺譯、悉做三綱行實、附宗族於兄弟、附師生於朋友。

海西觀察營藏 冠印紙一牒七張 關北觀察營藏 缺冠印紙一牒十四張 關西觀察營藏印紙一牒七張

### 三仁錄一卷

李朝善山諸儒撰、三仁者、高麗禮儀判書金澍、李朝禮曹叅判河緯地、居昌縣監李孟專、皆善人也、澍之於麗末、緯地孟專之於 莊陵、其去死靖義不同、而危忠姱節之一出於至誠惻怛、則若合符節、三仁之名、庶無愧焉、朴演喚醒堂集、有三人事蹟錄、實爲斯卷之權輿。

善山金烏書院藏印紙二牒

### 趙氏十忠實錄一卷

李朝趙希孟編、後孫輝晉重訂、十忠者、趙旅、趙鵬、趙邦、趙宗道、趙俊男、趙信道、趙敏道、趙凝道、趙益道、趙善道、趙繼先也、旅及宗道事蹟、見下別集類、鵬等九人、當 宣 仁兩朝南北交訌之際、或殺身殉國、或赴難策勳、皆旅之裔孫也。

咸安西山書院藏印紙十三張

景賢錄二卷

李朝弘文館副提學李禎編，集刑曹正郎文敬公金宏弼事蹟詩文及褒贈之典，以戶曹叅判文莊公賈偉事實附下。

順天玉川書院藏印紙一牒八張

崇孝錄十四卷

李朝朴世采撰，集其始祖以下誌狀遺事及輓誄之類，其遺文遺詩者，亦皆以類附之。

陝川海印寺藏印紙十四牒十九張

達城碑誌錄三卷

李朝議政府領議政恭肅公徐文重編，集李朝以來，達城徐氏碑狀輓誄，又以安州牧使徐彌性判中樞府事忠肅公徐洵遺稿附之。

全州府藏缺印紙四牒六張



西岳志一卷

李朝鄭克後撰、西岳者、享新羅弘儒候薛聰開國公金庾信文昌公崔致遠之院號也、首建院始末、次三賢事蹟、附以後人撰述。

慶州西岳書院藏 冠缺 印紙一牒二張

彰烈祠志、

續志 卷數俟考

李朝李端夏撰、彰烈祠、卽顯宗甲辰、端夏爲北道評事、倡議建置、享壬辰忠臣鄭文孚者也、是書、先錄文孚倡義討倭時奏啓、次叙建祠事實、其續志、則邑人李禮燦、以李麒壽徐遂、朴惟一、吳慶獻追配事實續刻者。

鏡城彰烈祠藏 冠印紙 四牒九張

右傳記類總錄之屬九部

箕子志三卷

李朝議政府領議政文靖公尹斗壽撰、首載尙書微子洪範二篇、次經傳諸子論說、次後人

詩文。

平壤府藏卮印紙二牒一片

### 箕子外紀三卷

李朝判中樞府事兩館大提學文靖公徐命膺撰，因箕子舊志，而增潤之，分敘述、篇章、制度、出處、道學、論說、廟享事蹟、歌詠九目、命膺爲關西伯時所刻。

關西觀察營藏印紙二牒四張一片

### 朱文公年譜二卷

宋通判辰州李方子撰，朱子門人也，明葉公回訂校，附行狀之類及朱子所撰童蒙須知。

鏡城府藏缺印紙二牒九張

### 壯節公遺蹟

卷數  
俟考

李朝朴世采撰，采摭史傳志書中所載高麗申崇謙事蹟，以祠院碑誄附之，崇謙，太祖時大將，太祖與甄萱戰，被圍急，崇謙力戰死之。



平山雲峰祠藏 缺 印紙一牒十張一片

晦軒實紀

卷數  
三卷  
俟考

高麗贊成事文成公安裕後孫等、哀輯裕碑誌及褒崇始末後人贊述、裕當忠烈王時、捐私財創學宮、以興作儒化、鄭夢周諸人、皆聞其風而起者、故後世、推爲東方理學之祖。

谷城縣藏印紙二牒四張

冶隱言行拾遺三卷

李朝吉興先編、冶隱者、高麗門下注書吉再號、興先、其裔孫也、再之遺文、久已刊行、興先復取列朝賜祭文及所享祠院事實、合編爲三卷、首世系年譜及遺文、次褒享事實、次後人贊述。

善山金烏書院藏印紙一牒十五張

敬菴遺事一卷

李朝河陽縣監李憲洛、哀輯議政府左議政文敬公許稠誌狀及言行之雜見於諸書者以

河陽爲稠之桑梓鄉也。

河陽環城寺藏印紙十七張

### 凝溪實記二卷

李朝玉世寶、哀輯其先祖弘文館校理沾事蹟者、沾當 獻陵 英陵之際、以文學著、然其文不傳、世寶就輿地勝覽等書、錄其行蹟與沾之誌狀及遺詩一首合編之。

安東默溪書院藏印紙一牒十二張

### 烟村事蹟二卷

李朝叅奉崔珽、哀輯其七世祖藝文館直提學德之之事蹟者、德之、靈巖人也、始由府使棄歸、景泰初、以淳德高年、徵授直提學、未幾復告老歸、一時諸名士、皆屬詩文贖之、人以比唐之楊少尹。

靈巖鹿洞書院藏印紙一牒十六張

### 許貞簡公遺事一卷



李朝李憲洛、哀輯議政府左叅贊貞簡公許詡遺文行狀諡狀及後人誄詠之作、詡稠之子也、當光廟靖社之際、與皇甫仁等同死。

河陽環城寺藏印紙一牒二張

### 彝尊錄二卷

李朝刑曹判書文忠公金宗直撰、爲其父成均館司藝叔滋、纂輯其譜牒言行、故取禮記施于烝彝鼎之義、以名之、首世譜、次紀年、次師友名氏、次事蹟遺訓、次奉先儀節、宗直外祖朴弘信傳、母朴氏行狀附下。

密陽禮林書院藏冠印紙一牒十六張

### 知足堂忠烈記一卷

李朝趙璵、哀輯其曾祖侍講院輔德之瑞及之瑞妻鄭氏行蹟者、之瑞、燕山君爲世子時講官也、以嚴見憚、及燕山卽位、屏居十餘年、竟遇禍、潛宅、鄭結廬其側、設遺衣、朝夕哭泣、以終三年、中宗初、旌其里。

義城縣藏印紙十張 晉州新塘書院藏印紙十張

寶白堂實紀二卷

李朝金承銓，哀輯其七世祖弘文館副提學係行事蹟者，首世系年譜，次遺文，次後人叙述，係行，成宗朝名臣也。燕山時，以金宗直黨，三逮訊，卒得釋歸老。

安東默溪書院藏印紙一牒八張一片

愚齋實記二卷，補遺一卷

李朝孫汝斗，哀輯其先祖吏曹判書景節公仲暎年譜誌碣吊文及所享東岡書院事蹟而合編之。仲暎詩文不傳，可徵以論世者，惟有其甥李彥廸，其友李荇、鄭光弼所撰述。當壬寅纂修中廟寶鑑，得仲暎都憲疏一篇，後孫鼎九，又得詩一篇，並附後人詩文，爲補遺一卷。

慶州東江書院藏印紙二牒四張

退溪言行錄六卷

李朝李滉門人等撰。次滉之言行者，舊有權斗經所刻本，頗多訛舛，禮安諸生校訂重刻，附後人叙述。



禮安陶山書院藏印紙四牒十六張

### 黃岡實記四卷

李朝吏曹參判李選、哀輯其外高祖司憲府大司憲金繼輝年譜碑狀、而遺文若干附焉、繼輝、以聰明才學、負一時偉望、如朴淳奇大升、李珥、皆推其經濟之才。

義城縣藏刊印紙二牒七張

### 忠武公家乘六卷

李朝新寧縣監李弘毅、哀輯其高祖三道統制使李舜臣事蹟者、首遺稿、次紀述、次朝廷敕命、附後人叙述。

順天忠愍祠藏印紙三牒三張 關北察營藏刊印紙三牒十張

### 北遷日錄一卷

李朝錦南君忠武公鄭忠信、撰紀李恒福遷謫北青時始末、原本、間雜瑣俚、恒福曾孫世龜、略加訂正、以恒福丁巳獻議手草及忠信事行附刻之。

北青老德書院藏印紙一牒四張

白雲齋實紀四卷

李朝權弘運、哀輯其先祖工曹判書花山君忠毅公應銖年譜碑狀及朝廷所賜教諭、而應銖書牘亦附見焉。應銖、當萬曆壬辰之亂、倡義旅擊敵、屢立奇功、其復永川之役、尤著云。

新寧龜川書院藏印紙三牒十九張

湖叟實紀八卷

李朝鄭一鑽、哀輯其六世祖黃山道察訪剛義公世雅五世祖生員宜蕃譜系遺事、而詩文及褒享之蹟附焉。萬曆壬辰之亂、世雅、倡義旅擊敵、屢捷永慶之間、既而世雅陷重圍、宜蕃、潰圍力戰死之、宜蕃號柏巖。

永川環邱世德祠藏印紙三牒十三張

梅軒實記二卷

李朝知中樞府事忠毅公鄭起龍紀年之書、起龍、晉陽人、萬曆壬辰之亂、數禦敵、立奇功、其



復尙州之績尤著云、事實一卷、曹挺融編年譜一卷、蔡休徵編。

尙州鄭氏齋舍藏印紙二牒十六張

### 忠烈錄一卷

李朝議政府領議政朴承宗、哀輯宣川郡守忠武公金應河、賜祭文及傳記、輓誄之類、應河安東人、萬曆己未、從姜弘立軍、攻建州虜、力戰死之、俗傳明朝、贈封遼東伯、今錄亦載。神宗皇帝詔、然文殊鄙俚、不類明制語。

鐵原府藏印紙二牒二張一片

### 金將軍遺事一卷

李朝李時恒、哀輯平安道節度使襄毅公金景瑞年譜遺文事蹟者、景瑞龍岡人也、深河之役、以副元帥、陷於虜、拘幽六年、竟被害、始敗報至、朝廷疑其降、收其告身、後得景瑞密疏、始知繫獄狀、復官贈秩。

龍岡金氏家藏印紙二牒三張一片

忠壯公遺事二卷、附錄一卷

不著編人名氏，忠壯者李朝平安道節度使宜春君南以興諡也，以興當天啓甲子，討李适立奇功，及丁卯清人之難，守安州城死之，是錄記載頗詳，凡瑣事逸聞之雜出傳記者，罔不蒐羅，其附錄則記同時死節金浚等十二人事蹟，卷末識云，玄孫益華刻，疑卽益華所編也。漆谷松林寺藏印紙四牒

仙源年譜一卷、清陰年譜二卷

仙源年譜，李朝議政府右議政文忠公金尙容紀年之譜，裔孫等編清陰年譜，尙容弟議政府左議政兩館大提學文正公金尙憲紀年之譜，宋時烈編，英宗丁亥，尙憲玄孫用謙，取二譜訂補合編，以世系圖弁之。

尙州西山書院藏印紙三牒四張

沙溪年譜一卷

李朝金長生紀年之譜，裔孫喜編。



述山遜巖書院藏印紙一牒十四張

### 旅軒年譜三卷

李朝張顯光紀年之譜、門人張衆編。

仁同東洛書院藏印紙二牒四張

### 貞武公實記四卷

李朝公州鎮營將崔震立後孫編、崇禎丙子之亂、震立、隸觀察使、勤王至龍仁之險川、遇清師、身被數十創死、此卽其紀實之書、而震立遺文見者、僅數三篇、或係之集類、殊未然、今據標題、仍置傳記之類。

慶州龍山書院藏印紙三牒十七張

### 白江年譜一卷

李朝議政府領議政文貞公李敬輿紀年之譜、不著撰人名氏。

大丘湧泉寺藏印紙二牒一張

澤堂年譜一卷

李朝吏曹判書兩館大提學文靖公李植紀年之譜，子瑞夏編，曾孫箕鎮訂刻。

關北觀察營藏 缺 印紙一牒十九張

同春堂年譜四卷

李朝吏曹判書文正公宋浚吉紀年之譜，門人等撰，金昌協刪正之，浚吉曾孫堯佐校刻。

全州威鳳寺藏 印紙四牒十三張

南溪年譜四卷

李朝朴世采紀年之譜

平山九峯書院藏 印紙二牒一張一片

明齋言行錄五卷

李朝尹拯門人錄其師言行者，旁孫光紹取諸人錄合編之。



尼城魯岡書院藏印紙四牒五張

### 明齋年譜六卷

李朝尹拯紀年之譜，旁孫光紹撰，光紹小識云：懷川事欲詳則傷繁，簡之則無以見其實，取前後疏辨，別爲後錄，又編家狀輓誄爲附錄。

尼城魯岡書院藏印紙十六牒十二張

### 睡谷年譜一卷

李朝議政府領議政兩館大提學文敬公李宙紀年之譜，子翼鎮編。

茂朱山城寺藏印紙一牒十五張

右傳記類別錄之屬三十五部

## 掌故類

### 平壤誌九卷

李朝尹斗壽撰，自疆域分野、止雜誌詩文，凡三十六目，采摭繁富，頗稱詳贍，係斗壽按道時

作。

關西觀察營藏冠缺印紙六牒十四張

### 續平壤誌四卷

李朝吏曹判書翼憲公尹游撰，斗壽後孫也，因斗壽舊志而續修之。

關西觀察營藏印紙五牒十張

### 昇平志二卷

李朝吏曹判書文簡公李暉光撰，因輿地勝覽所載而增益之，暉光題詠亦附見，昇平、順天舊號，暉光知府時所撰，後府使洪重徵增補。

順天芝峯書院藏印紙二牒一張

### 霽峰遊瑞石錄一卷

李朝工曹參議忠烈公高敬命撰，瑞石山在光州，以名勝聞，是錄即萬曆甲戌與知州林薰遊山時作，有明翰林院學士徐光啓序。



光州褒忠祠藏印紙九張一片

### 耽羅志一卷

李朝濟州牧使李翊漢撰，舊有耽羅記，不知出於誰手，頗踈舛，難於考据，翊漢取徐居正與地勝覽、金淨濟州風土記諸書，而訂補之，然門目頗繁，義例仍未免蕪雜也。

濟州收藏印紙二牒一片

### 京山誌六卷

李朝吏曹判書李元禎撰，元禎京山人，紀其鄉山川風俗及遺聞故事，往往雜以漆谷事蹟者，以漆谷卽故八莒縣，爲星州屬縣也，志殊蕪雜，散無體例。

星州茂屹寺藏印紙四牒十張

### 北關誌十卷

李朝議政府右議政兩館大提學文忠公李端夏撰，端夏父植爲北道評事，紀南北道郡邑沿革關防形要，爲北關志，未鐫，尋佚其本，及端夏爲評事，繼父志成之。

鏡城府藏印紙三牒十五張

### 東京雜記三卷

李朝慶州府尹閔周冕撰、其書、倣邑志例、紀新羅赫居世以後風俗事蹟。

慶州府藏印紙五牒十五張

### 北漢誌一卷

李朝釋聖能撰、聖能、肅宗時、率其徒、創太古寺于北漢、鑄三經四書大全通鑑節要、唐詩品彙、喪禮備要等書、藏于寺、蓋俗衲之有定力者也、誌則頗蕪雜無體裁。

北漢古寺藏印紙十二張

### 成川誌

卷數 俟考

不著撰人名氏、成川以東明王舊都、形勝甲於關西、而誌殊菲略、未足考据。

成川府藏印紙二牒十七張

右掌故類地理之屬十二部



## 通文館志十卷

李朝司譯院官金指南撰、通文館、今之司譯院舊號也、其書首官制沿革、次學徒勸課、次事大交隣之大小程式、次人物故事、末附紀年二編、起自仁祖丙子、略載謝賀使事實及禮部咨文、景宗以後、則院官等續修之。

司譯院藏印紙九牒十張一片

右掌故類職官之屬一部

## 大明律三十卷

明洪武癸丑、刑部尚書劉惟謙等奉勅撰、丙辰、命丞相胡惟庸釐正、乙亥、又命詞臣等續修之、改名例律、冠於篇首、次吏律、戶律、禮律、兵律、刑律、工律、凡一千六十六條。

關西觀察營藏 缺印紙六牒十張

## 五禮儀鈔二卷、序例目錄一卷

不著編人名氏、就五禮儀鈔、錄州縣典禮及文武官士庶之禮。

關北觀察營藏印紙三牒

決訟類聚補一卷

不著撰人名氏、英宗丁亥刻、舊有決訟類聚一卷、亦不知出於誰手、取大明律及國朝刑典、而鈔錄其切於聽訟者、分四十二目、是書因其部目、而增補之、其附算律及賑濟糶糴之法、則未免蛇足矣。

宜寧縣藏印紙二牒

右掌故類政書之屬三部

史評類

唐鑑二十四卷

宋翰林院學士范祖禹撰、著作郎直秘閣成公呂祖謙註、其書摘唐事標題、繫以論斷、敷陳剴切於法戒、多所申明。

嶺南觀察營藏 印紙九牒十六張



讀史隨筆八卷

李朝吏曹叅判李敏求撰，取歷代史政教風俗之可資勸懲者，掇其菁華，斷以己見，其所采  
摭，不出司馬氏通鑑。

關北觀察營藏 冠缺 印紙九牒三張

歷代史論四十一卷

李朝戶曹叅判宋徵殷撰，孫翼輝訂校，歷叙唐堯以後君臣，訖于趙宋，雜據諸家評斷以繫  
之。

關北觀察營藏 冠 印紙二十四牒

右史評類三部

鏤板考卷第三





鏤板考卷第四

大邱徐有槩著

豐山洪命憲校訂

小學子部上

儒家類

忠經一卷、孝經一卷

忠經舊傳後漢南郡太守馬融撰、然後漢書融傳、歷叙著述、而獨不及忠經、疑後人所托、孝經大義、宋董鼎因朱子刊誤、而逐節註解者、李朝鏡城府判官李萬維合刻之、名曰忠孝經。

鏡城府藏缺印紙一牒十二張

二程全書六十八卷

明徐必達編、始朱子取程子門人所記語錄、附行狀之類、編為遺書、後得他書所載程子語

一百五十五條以補遺書所未備，爲其真僞相雜，故謂之外書。其與二程文集經說合刻，則有長沙、五羊、臨川、中州諸本，互有詳略，必達合諸本，參校復以楊時所編二程粹言益之，舊本錄伊川易傳全文，東刻本但著其目，不錄其文。

校書館藏 缺印紙二十九牒十五張

### 程書分類三十卷

李朝議政府左議政文正公宋時烈編，以遺書外書皆出門人記錄，散漫難見，艱於考據，倣朱子語類例分門類編。

清州華陽書院藏印紙二十六牒一張

### 小學大文

卷數  
俟考

編刻人未詳，但載正文，去諸家註釋。

寧邊府藏印紙三牒三張

### 小學集說六卷



明禮部員外郎程愈撰，成化中李朝金駟孫使于燕，從愈問學，得是書歸鑄，明儒之註解小學者，有黃裳、何士信、劉實、陳選諸家，程則獨無著稱，特以其最先東來，遂至今崇信焉。

濟州牧藏缺印紙八牒八張

### 近思錄十四卷

宋朱子、呂祖謙同撰，書成於淳熙二年，取周子、程子、張子之言，擇其切要者，得六百二十二條，據黃幹答李方子書，朱呂原本，未曾分門，朱子遺書中所載者，猶其舊本，今所列道體等目，幹謂出自金華朋友，未詳名氏，淳祐中葉采爲之集解，表進于朝。

慶州玉山書院藏印紙六牒六張 關北觀察營藏缺印紙五牒六張 成川府藏缺印

紙七牒

### 近思錄釋疑十四卷

李朝議政府左叅贊文肅公鄭曄，因金長生所撰本，而修潤之，長生序云：讀近思錄，到難會處，采諸儒論說，以釋之，間附己見，請鄭刊正，鄭沒後，其甥羅萬甲，誦其本，中有一二可疑處，恨未及鄭，在世時評論歸一，宋時烈重加訂正。

海州紹賢書院藏 刊印紙六牒十三張

### 童蒙須知一卷

宋朱子撰、李朝議政府領議政兩館大提學文簡公盧守慎註、附程端蒙性理字訓、以方音譯之。

關北觀察營藏 刊印紙十四張

### 朱子語類一百四十卷

宋沙縣主簿黎靖德編、朱子沒後、輯門人記錄之語者、有池錄、饒錄、饒後錄、建錄、其類編爲書者、則有蜀本、徽本、翻刻不一、訛舛日增、靖德哀集諸刻、刪除重複、釐爲二十六目、頗清整易觀、然前後異同之處、則未能考正也、英宗辛卯、奉教重刻。

嶺南觀察營藏印紙一百六牒

### 天地萬物造化論一卷

宋文憲公王柏撰、明周頤註、其書推明一元萬化之理。



鐵原府藏 缺 印紙十一張

### 性理大全書七十卷

明永樂乙未翰林院學士胡廣等奉勅撰所採宋儒之說凡一百二十家其中擷錄原書自爲部帙者九種摺拾羣言分門編纂者十三類勦襲燕雜褻積成書如異端類之闕釋氏朱子門人類之不載林擇之范伯崇輩尤見其踈陋云。

湖南觀察營藏 剋 印紙五十三牒十五張

### 讀書錄要語三卷

明禮部侍郎文清公薛瑄撰瑄爲有明一代儒宗是錄皆其躬行心得之言原錄十卷續錄十二卷吳廷舉摭其要語爲三卷。

關北觀察營藏 剋 印紙一牒二張

### 明心寶鑑二卷

不著撰人名氏自繼善止婦行凡十九目。

昌平龍興寺藏印紙十三張

心經附註四卷

明翰林院學士程敏政撰、自序云、西山嘗撫取聖賢格言、爲心經一篇、然疑註中或稱西山讀書記、凡程朱大儒、開示警切之言、多不在卷、意此經本出先生、而註則後人雜入之、因爲參校、且附註其下。

關北觀察營藏冠缺印紙四牒十三張 寧邊府藏印紙三牒四張

心經發揮四卷

李朝鄭述撰、以程敏政附註、猶有踈舛、雜採程朱集中論心學之說、以類彙輯、又以周子太極圖說、程子定性書、伊川好學論、橫渠西銘、朱子仁說、明道晦庵行狀附之。

星州檜淵書院藏印紙五牒十五張

心經質疑考誤一卷

李朝曹好益撰、自序云、心經質疑、出於退溪門人、記錄之際、頗失先生本旨、今於顯然訛誤



處略加訂正。

永川道岑書院藏印紙十八張

### 大學衍義輯畧二十一卷

李朝判中樞府事文康公李石亨撰，取真德秀衍義，刪其繁穠，以高麗史中可作鑑戒者，隨類增補，成化壬辰，隨箋進于朝。

義城縣藏 缺印紙十六牒十張

### 中庸九經衍義二十九卷

李朝李彥迪撰，倣真氏衍義書，雜採經史諸家之說，推衍九經之義，而又以體天道畏天命，戒滿盈終之，其敬大臣以下六目，未及撰著而卒，有自序，稱臣，意將進于朝也。

慶州玉山書院藏 缺印紙十七牒三張

### 求仁錄四卷

李朝李彥迪撰，取論孟中庸言仁之文，而類彙之，諸儒註解，略掇附見，洛閩諸子發明仁體

及用工之要者，別爲一篇，蓋做張南軒洙泗言仁錄之義也。

慶州玉山書院藏印紙四牒三張

### 關西問答錄一卷

李朝李彥迪子全仁，記彥迪言行，其稱關西，以嘉靖中，彥迪謫在關西之江界時所錄也，有論曹植數條，植集亦有解關西問答錄一篇，醜詆全仁，并及彥迪，或云非植之言，鄭仁弘所竄入也。

慶州府藏印紙一牒三張

### 童蒙先習一卷

李朝軍資監正朴世茂撰，或云金安國撰，其書首說五倫，次叙歷代沿革。

校書館藏印紙九張 龍潭校宮藏印紙九張 濟州牧藏印紙八張 旌善郡藏印紙

九張 義興縣藏缺印紙七張

### 理學通錄十一卷 外集一卷



李朝李滉撰，起宋朱子，訖于明鄒智，雜采傳誌文集語錄，而叙次之，略於事實而詳於講學，大抵朱門諸子，居什之七八，其外集一卷，則首陸九淵兄弟，趙穆跋，謂錄儒名墨行之人，然據穆跋，蓋滉未成之書也，有成渾點批。

禮安陶山書院藏印紙十五牒

### 古鏡重磨方一卷

李朝李滉編，上起盤銘，下訖洛閩，凡箴銘之可資警省者，無不蒐羅，取朱子詩古鏡重磨要古方之句名之，有英宗御製序。

禮安陶山書院藏

刊缺

印紙一牒八張

寧邊府藏印紙十六張

### 聖學十圖一卷

李朝李滉採周子太極圖朱子白鹿洞規圖仁說圖程復心西銘圖心統性情圖心學圖王柏敬齋箴圖權近大學圖益之以滉所著夙興夜寐箴圖小學圖各附論說，剞于朝，肅宗朝，命弘文館作屏以進，又命編書印進。

嶺南觀察營藏印紙二牒五張

朱書講錄刊補六卷

李朝李滉門人錄李栽刊補，蓋滉箋釋朱書之語，而記錄之際，訛舛頗繁，栽之刊補，多所訂增。

安東虎溪書院藏印紙七牒十張

聖學輯要十三卷

李朝議政府右贊成兩館大提學文成公李珥撰，以真德秀大學衍義，猶欠汗漫，倣其例，採摭經史，刪繁就簡，分爲五類，曰統說，曰修己，曰正家，曰爲政，曰聖賢道統，萬曆乙亥，隨箋進于朝，英宗朝，進講于經筵，御製序弁首。

海州紹賢書院藏 刊印紙十六牒七張

擊蒙要訣二卷

李朝李珥撰，列叙立心、飭躬、奉親、接物之方，自序云：在海山時，爲一二學徒作。

海州紹賢書院藏 刊印紙一牒六張 順天玉川書院藏印紙一牒一張 泰仁校宮藏



印紙一牒四張 濟州牧藏印紙一牒六張 嶺南觀察營藏冠印紙一牒五張 關北

觀察營藏冠印紙一牒十六張 鏡城府藏冠印紙一牒六張 關西觀察營藏冠印紙

一牒十張

### 三先生遺書三卷

李朝朴世采、取李滉聖學十圖成渾爲學之方、李珥擊蒙要訣三書、合編校刻。

安邊府藏印紙二牒

### 晦谷進學圖四卷

李朝司諫院司諫權春蘭撰、倣李滉聖學十圖、而衍之、又益以四書五經聖賢傳緒等圖、總

二十六圖。

安東周溪書院藏印紙七牒八張

### 太極問辨二卷

李朝鄭述編、首周子太極圖朱子圖說解、次朱子與二陸問答書、次李朝李彥迪與孫失名、號忘齋

(忘齋名叔歐、晦齋之舅) 曹漢輔問答書、蓋孫曹之論、皆以無極二字、歸之寂滅也。

慶州玉山書院藏印紙一牒十六張 星州檜淵書院藏印紙二牒十張

### 性理說八卷

李朝張顯光撰、首圖書發揮、次易卦總說、次太極說、次理氣經緯說、次晚學會要、次宇宙說、或附以圖說、或雜錄經傳之文、義例頗傷繁縟、意其隨得雜記、而蒼輯成書、出於門人之手。

仁同東洛書院藏印紙十一牒

### 道學正脉一卷

李朝童蒙教官權輯撰、以淵源理學兩錄鈔錄點批。

全州威鳳寺藏印紙三牒五張

### 日省錄一卷

李朝縣監洪錫撰、節錄古語中可資警省者。

龍潭校宮藏印紙一牒十七張



初學字訓增輯三卷

李朝李植撰，倣陳埴性理字義，而益主簡約，其下篇雜采先儒說，訓釋性理名目。

關北觀察營藏缺印紙十九張

啓蒙編一卷

不著撰人名氏，歷叙天地人物之形名槩畧，以諫蒙學（諫似課之誤）即童蒙先習之類也。

北漢太古寺藏印紙七張

磻溪隨錄二十六卷，補遺一卷

李朝進士柳馨遠撰，馨遠論經世之務，以分田制產爲本領，故其書首田制，次教選任官職，官祿制，兵制等部，每一部先叙規模節目，次採經史諸子之說系之，又有續篇二卷，雜論邦禮、工制、補遺一卷，專言郡縣建置之制，蓋其書酌古宜今，規劃纖整，可舉而措之，雖未嘗說心說性，如近世儒者之爲，而儒者之實用，究莫加焉，今仿歷代史志列桓寬塩鐵論于儒家之例，特進之于儒家類。

嶺南觀察營藏印紙二十七牒

宇宙要括一卷

不著撰人名氏，首載一原傳統等圖，撮略先儒心性道器之說附之。肅宗乙未，杆城郡守朴吉應印進，疑卽吉應所撰。

杆城郡藏刊印紙六張

學顏錄

卷數  
俟考

李朝開城府留守朴吉應撰，采輯顏子言行之雜見於經傳者，間附己說，而頗踈舛無可觀，蓋未見徐達左顏子鼎編張星顏子繹等書也。

杆城郡藏刊印紙十五張

書社輪誦一卷

李朝禮曹判書兩館大提學文正公李緯編，其書選濂洛諸子文最切於學問者三十餘篇，蓋爲學徒誦誦而作。



校書館藏 缺 印紙二牒六張一片

### 敦孝錄五十七卷

李朝講書院諭善文獻公朴聖源撰，蒐輯經史諸子論孝之文，分爲孝義、孝教、生事、喪事、奉祭、孝感、顯美、繼述、廣孝、守身、處變十一目，以孝經一篇冠之，蓋孝經衍義也。當寧癸卯，御製序并卷，命嶺南伯鈺板。

嶺南觀察營藏印紙五十牒

右儒家類四十一部

## 兵家類

### 六韜六卷

舊傳周呂望撰，明進士劉寅直解，蓋六韜之僞托，後世談藝者皆能言之，然陸德明莊子釋文，謂太公六韜文武虎豹龍犬也，則其僞在陳隋以前矣，寅之直解分節詮釋，頗爲明暢。

關西觀察營藏一本 缺 印紙五牒三張一本印紙七牒十三張

孫武子三卷

周孫武撰，明劉寅直解，史記列傳載武之書十三篇，即是書也，兵家書之傳於今者，此爲最古。

關西觀察營藏一本冠印紙三牒十九張一本印紙七牒十一張 寧邊府藏印紙三牒十四張

吳子二卷

周吳起撰，明劉寅直解，隋志唐志皆作吳子一卷，惟晁氏讀書志作三卷，然六篇之目，則與今本合，亦真古書也。

關西觀察營藏一本冠印紙一牒十四張一本印紙二牒十一張

司馬法一卷

齊司馬穰苴撰，明劉寅直解，今證以史記，蓋齊威王諸臣集古兵法爲之，而附穰苴於其中，非穰苴作也，其時去古未遠，三代遺規，往往於此書見之。



關西觀察營藏一本冠印紙一牒十三張一本印紙二牒十七張

### 尉繚子五卷

周尉繚撰，明劉寅直解，漢志兵家，有尉繚三十一篇，今本二十四篇，未詳即漢志所載，然其言多近於正，與戰國權謀頗殊，故橫渠張子亦嘗註之。

關西觀察營藏一本冠印紙三牒六張一本印紙三牒十九張

### 三略三卷

舊題秦黃石公撰，明劉寅直解，世傳是書，即圯上授張良者，然其文不類秦漢間書，漢光武詔雖嘗引之，安知非反撫詔語，以證實其書。

南漢開元寺藏印紙一牒五張 濟州牧藏印紙一牒七張 關北觀察營藏冠印紙一

牒八張 關西觀察營藏一本印紙二牒十八張一本缺印紙一牒十六張 寧邊府藏

缺印紙一牒一張一片

### 李衛公問對三卷

舊傳唐衛國公諡景武李靖撰、明劉寅直解、陳師道、何蘧、邵博、皆以是書爲阮逸所托、然其措畫攻守變易主客、於兵家微意、時有所得、故鄭瑗、井觀瑣言、謂其書雖僞、亦出於有學識謀畧者之手。

關西觀察營藏一本冠缺印紙三牒十一張一本印紙四牒一張

### 將鑑博議十卷

宋龍圖閣學士文端公戴溪撰、自春秋孫武、迄于五季郭崇、各取其才品高下、器量大小、智計短長而論斷之、有英宗御製題。

關西觀察營藏冠缺印紙九牒十張

### 紀効新書十八卷

明少保右都督戚繼光撰、乃其官浙江參將時、鍊兵備倭之作、首爲或問一篇、解釋疑阻、次分十八篇、每篇各有圖說、其詞率如口語、不加文飾、取其易於論衆也。

關西節度營藏印紙十一牒九張一片



武經要節

卷數  
俟考

不著撰人名氏，蓋取宋曾公亮武經總要，節略其要語者也。

關北觀察營藏冠印紙三牒十五張

兵學指南五卷

不著編人名氏，蓋因戚氏新書，而撮其精要，分爲九目，我國練兵，以是爲津梁，故屢經剗闕，板本散在，而義例，互有詳略，惟壯勇營藏板，當寧丁未，宣傳官李儒敬，奉教合諸本釐校，有御製序。

壯勇營藏印紙二牒十四張一片 訓練都監藏印紙二牒十一張 南漢開元寺藏印

紙三牒 海西節度營藏印紙三牒 雲峰縣藏有節度使崔禰訓解印紙三牒 濟州

牧藏印紙二牒七張 統制營藏印紙二牒十二張 嶺南右節度營藏印紙二牒九張

慶州府藏冠印紙二牒十六張 尙州牧藏印紙二牒十八張 關北南節度營藏印

紙二牒十一張 關西觀察營藏缺印紙三牒五張 寧邊府藏冠印紙三牒四張一片

### 演機新編三卷

李朝安命老撰，握奇經註解及論黃帝九軍、武侯八陣、李靖六花陣法者，爲陣書一卷，取武經七書提綱撮要彙分立目者，爲兵書一卷，就星象及太乙奇門二法，拈出其切於兵家者，爲陰陽家一卷。

梁山郡藏印紙四牒十張

### 火砲式諺解一卷

李朝御營使完豐府院君忠定公李曙撰，記大小火砲之制，以方音譯之，蓋別破陣鍊藝之書，或附煑焰硝方。

軍器寺藏印紙十六張 海西節度營藏<sub>刊</sub>印紙十九張一片 關北觀察營藏<sub>缺</sub>印紙十六張 關北南節度營藏印紙一牒十張

### 新傳煑硝方一卷

李朝金指南撰，指南嘗再入燕，得傳其煑硝之法，比我國舊法，費半而功倍。肅宗戊寅，領



中樞府事南九萬奏令指南叙述其方且以諺譯之刊布中外當宁丙辰議政府右議政尹善東陳達重刻。

軍器寺藏印紙十二張一片 關北觀察營藏缺印紙十一張

### 行軍須知二卷

不著撰人名氏舊載武經總要中其另編印行始自李朝金錫胄其書起誠將訖受降凡十五目每目先叙大義次列條法。

關北觀察營藏缺印紙一牒十三張

右兵家類十五部

### 醫家類

### 補註黃帝素問十二卷

唐王冰註宋嘉祐中光祿卿林億國子博士高保衡奉勅補註冰之言以爲黃帝內經十八卷素問卽其經之九卷兼靈樞九卷迺其數焉舊佚第七篇冰時始獲詮次爲二十四卷冰

自號啓玄子，晁公武讀書志作砮誤。

慶州府藏印紙二十二牒五張

### 纂圖脈訣四卷

六朝時高陽生撰，不著名氏，其書掇拾晉王叔和脈經，詞多鄙淺，李朝宣祖辛巳內醫院

僉正許浚奉教訂註。

惠民署藏印紙五牒十五張一片

### 銅人鍼灸經五卷

宋天聖丙寅殿中省尙藥王維一奉詔撰，維一或作維德，晁公武讀書志云，仁宗嘗詔維德考次鍼灸之法，鑄銅人爲式，分腑臟十二經，旁註俞穴所會，刻題其名，並爲圖法，亦著主療之術，讀書志作三卷，清四庫全書簡明目錄作七卷。

惠民署藏印紙三牒十四張

### 醫學正傳八卷



明虞搏撰、自序謂私淑丹溪之遺風、以証分門、每門先論症、次脉法、次方治、皆採輯列代名醫之語、更以得于家傳及己所親試驗者附入焉、前有醫學或問五十條。

湖南觀察營藏

冠缺

印紙十七牒十九張一片

嶺南觀察營藏

冠缺

印紙十七牒十九張一片

### 醫書纂要三卷

明朱震高撰、永樂中以醫顯、太宗賜祭其墓。

慶州府藏

冠缺

印紙五牒十七張

### 增補萬病回春十卷

明龔廷賢撰、採掇軒歧以下諸家之精英、而合成一書、間附己見。

嶺南觀察營藏印紙十九牒十七張

### 廣濟秘笈四卷

李朝進士李景華撰、自救急雜病、以至婦人小兒、單方治法、采摭諸家、間附經驗。

關北觀察營藏印紙七牒五張

右醫家類七部

天文籌法類

步天歌一卷

隋王羲明歌訣明西洋南懷仁星圖（南懷仁康熙初入中國明是清之誤）舊王南二家各有歌圖是本歌取王本圖用南本又以星名之古有今無古無今有者附著于末。

觀象監藏印紙十張

觀象玩占四十四卷

舊題唐太史令李淳風撰然書中引唐文宗肅宗之事非淳風所著明藝文志云不知撰人或曰劉基輯其書具著天地日月星辰風雲雷雨等占驗每引史事以證之李朝李正華增訂。

觀象監藏印紙二十五牒十八張



天東象緯考十八卷

李朝觀象監官崔天璧撰、專紀高麗四百七十年日食星變。

觀象監藏缺印紙九牒八張

九數略四卷

李朝議政府領議政兩館大提學文貞公崔錫鼎撰、剽襲明李之藻同文籌指、餽釘成書、而其以日月星辰分排四率、則又近於牽鑿無謂。

尙州牧藏印紙四牒三張

右天文籌法類四部

術數類

人子須知五十二卷

明徐維志、維事同撰、李維禎叙云、徐君居德興、其地故多堪輿家、君以爲不慊於志、更走四

方求勝己者師之危嶂幽壑遺墟荒隴皆窮躋翔覽三十年而業成。

觀象監藏 缺 印紙三十牒十張一片

### 琢玉斧二十五卷

明徐之鏞撰首巒頭歌括次理氣定議次作用諸法其稱琢玉斧者以玉喻山川以琢喻相地以斧喻古今方術之書也。

觀象監藏 缺 印紙十七牒一張一片

### 羅經頂門針五卷

明徐之鏞撰專言相地家扞穴之法(扞似擇之誤)

觀象監藏 缺 印紙六牒四張

右術數類堪輿之屬三部

### 邵康節心易梅花數一卷

不著撰人名氏明通州太守夏昞刪校其法不用龜筮以所值之日辰起數以數起卦謂皆



出於康節、今据朱子語類、其說不爲無本、後人之推行增益、則有之矣。

觀象監藏 缺 印紙一牒十一張

右術數類占筮之屬一部

### 素天綱三星三命指南十卷

唐袁天綱撰、分發端、貴神、食神、祿神等十五類。

觀象監藏 印紙一牒十六張

### 應天歌四卷

宋郭程撰、楊恢序云、程字去非、因遇異人、撰成此書。

觀象監藏 印紙一牒二張一片

### 子平三命通變淵源二卷

宋徐大升撰、自序云、自幼慕三命之術、參訪高人、傳授徐子平真數定局、歷學屢歲、頗得真趣、類成編次、尋其捷徑。

觀象監藏印紙一牒

範圍數二卷

明趙迎撰、專主占筮之術、自序云、會粹諸家、別之以類、前圖式門、次起例門、又次源流格流等門、凡十五門。

觀象監藏印紙一牒十一張

右術數類命書之屬四部

天機大要二卷

明林紹周撰、推陰陽宜剋之理、定日辰推擇之法、我東刻本、有丙子癸巳二本、而丙子本久佚、英宗丁巳、諫官池百源、取癸巳本增刪重刻、癸未、百源孫日賓、又以昏中星之古今異候、用新法訂正之。

觀象監藏印紙三牒七張 尙州牧藏印紙一牒十八張

選擇要略三卷



李朝判中樞院事靖平公李純之撰、專言日辰剋擇之術。

觀象監藏 缺 印紙四牒十九張

右術數類陰陽五行之屬二部

### 雜纂類

### 千字文一卷

舊題梁散騎常侍周興嗣撰、然宋劉克莊云、於舊刻法帖、見漢章帝己書此文、則非梁人作也、馬端臨文獻通考、載此書於經部小學類、爲其幼學也、然以幼儀入小學、宋以前、無其說、今置雜纂之類、於古義爲允焉。

校書館藏印紙一牒十二張 南漢開元寺藏印紙一牒七張一片 北漢太古寺藏印

紙十八張 濟州牧藏 缺 印紙一牒一張 星州雙溪寺藏印紙一牒十一張 清道郡

藏 缺 印紙一牒一張 旌善郡藏印紙一牒一張

### 類合一卷

不著撰人名氏，卽急就篇蒙求諸書之類，而專紀名物度數。

清道郡藏 缺印紙十三張

### 警民編一卷

李朝禮曹叅判文穆公金正國撰，係正國按察海西時，戒諭民人之作，凡十三條，每一條，先叙勸戒之辭，而以犯者當律係之，孝宗戊戌，完南府院君李厚源爲之諺譯，附以宋陳襄真德秀勸諭文，李朝鄭澈訓民歌，剗進請刊。

清道郡藏印紙一牒三張一片

右雜纂類三部

### 說家類

### 破閒集三卷

高麗寶文閣學士李仁老撰，雜紀詩話，而詳於事實，略於月朝，高麗一代名章佳句之至今可徵者，多賴是篇及崔滋補閑集。



慶州府藏缺刑印紙一牒二張一片

補閑集三卷

高麗中書門下平章事文清公崔滋撰、補輯李仁老之所未收、浮屠兒女之詩句可資談笑者、亦並收錄。

慶州府藏缺刑印紙二牒五張

櫟翁稗說四卷

高麗李齊賢撰、有前後二錄、前錄紀公私乘牒、後錄多詩文評、櫟翁、齊賢一號、謂之稗說、自況以稗也。

慶州龜岡書院藏印紙一牒

谿谷漫筆二卷

李朝議政府右議政兩館大提學新豐府院君文忠公張維撰、雜記經史聞見、而往往參以瑣事逸聞。

光州牧藏印紙二牒二張一片

種德新編三卷、諺解三卷

李朝議政府領議政文貞公金瑱撰、自序云、每觀古書、有愛物濟人之事、必欣然記之、釋疑辨姦、亦附見焉、愛物本於仁、濟人本於義、釋疑本於智。

嶺南觀察營藏冠印紙七牒八張 關北觀察營藏缺冠印紙二牒五張 平壤府藏缺冠印

紙二牒二張

右說家類五部

類書類

訓蒙字會三卷

李朝內贍寺副正崔世珍撰、蓋蒙求千字文之類、多紀草木名物、嘉靖丁亥、書成進于朝。

巨濟校宮藏印紙二牒十六張



類苑叢寶四十七卷

李朝金增撰、取藝文類聚唐類函天中記山堂肆考諸書、因其門目而增損之、蓋兔園剽獵之資。

嶺南觀察營藏印紙五十四牒

經書類抄三卷

不著撰人名氏、割裂五經四書句語分門類彙、蓋經義拈括之書。

尙州收藏印紙三牒十二張

右書類三部

譯語類

老乞大一卷、諺解二卷

不著撰人名氏、雜叙華語、用之象輓較藝之時、其諺解則崔世珍撰、當宁乙卯、司譯院奉

敦重訂。

司譯院藏印紙四牒九張

朴通事新釋一卷、諺解三卷

不著撰人名氏、亦雜記華語、學譯者、以此編及老乞大爲津梁、其諺解則崔世珍撰、司譯院官邊憲等重訂。

司譯院藏印紙六牒二張

清語老乞大八卷

不著撰人名氏、舊傳崇禎丙子、被擄人東還者所作、英宗乙酉、司譯院官金振夏訂正。

司譯院藏印紙四牒十七張一片

蒙語老乞大八卷

李朝司譯院官玄文恆撰、以蒙古方音譯老乞大、院官李億成重訂。

司譯院藏印紙四牒十一張



伍倫全備記四卷 諺解八卷

舊題迂愚叟所撰、未詳名氏、假戲場搬演之說、以勸化風俗、我國象鞮之肄業、率用是書、爲其雅俚並陳、諷諭備至也、舊無諺解、顯宗辛丑、司譯院官高時彥撰。

司譯院藏印紙十五牒十張

小兒論一卷

不著撰人名氏、亦雜記清語者、當宁丁酉、金振夏訂正。

司譯院藏印紙七張

八歲兒一卷

不著撰人名氏、當宁丁酉、金振夏訂正。

司譯院藏印紙六張一片

三譯總解十卷

不著撰人名氏，以清語譯三國志十回，肅宗癸未，司譯院官金世弘等校正。

司譯院藏印紙六牒一張一片

### 蒙語類解三卷

不著撰人名氏，亦雜記蒙語，而以類彙分，李億成復得原本闕漏一千六百餘言，逐類增補。

司譯院藏印紙三牒十六張一片

### 倭語類解二卷

李朝司譯院官洪舜明撰，列錄事物名目，以日本語釋之，末係日本官名及通信行程道記，院官玄啓根重訂。

司譯院藏印紙二牒十八張

### 譯語類解三卷

李朝金指南等撰，崇禎乙亥，漂海人文可尙，自言文天祥後孫，仍留不歸，錄華語三卷，進于朝，指南等就授音義，以方言譯之，指南孫弘喆補遺。



司譯院藏印紙四牒十三張

### 捷解蒙語四卷

不著撰人名氏，亦雜紀蒙語者，李億成重訂。

司譯院藏印紙二牒

### 同文類解二卷

李朝玄文恒撰，以清語雜記名物，英宗戊辰，禮曹判書李周鎮陳達鈔板。

司譯院藏印紙三牒十一張

### 捷解新語十卷

李朝司譯院官康遇聖撰，遇聖萬曆壬辰，被擄日本，十年而還，用其語，設爲信使問答之說。

司譯院藏印紙七牒十八張

### 漢清文鑑十五卷

李朝司譯院官李洙等撰、取乾隆中所撰清文鑑、刪畧原註之繁冗、增以漢字解釋、凡三十六類。

司譯院藏印紙二十三牒十張一片

### 隣語大方五卷

李朝司譯院官崔麒齡撰、亦雜記日本語者。

司譯院藏印紙五牒十八張

### 捷解新語文釋十二卷

李朝司譯院官金健瑞撰、取康遇聖捷解新語、增釋其旨義

司譯院藏印紙二牒五張一片

右譯語類十七部

## 道家類



新註道德經二卷

李朝吏曹判書文貞公朴世堂撰，世堂謂老子之道，漢用之而治，晉人用之歸於玄虛，道非二致，解有善不善耳，遂爲之疏釋其旨歸，多駁林希逸注之謬。

尙州收藏，缺印紙一牒九張。

句解南華真經十卷

宋中書舍人林希逸撰，所得於莊子者頗淺，乃排斥舊註，殊不自量，然詞旨明顯易入，尙有裨於幼學，今刻本有李朝崔豈諺讀。

關北觀察營藏，印紙十三牒十五張。

周易參同契一卷

漢魏伯陽撰，宋朱子註，伯陽參同契，世稱爲易家，其實假借爻象，以論作丹之意，丹經中此爲最古，朱子註，舊題考異，然訂正文字者，不過七八處，餘皆詮釋丹法，實卽箋註也，今本李朝南九萬從俞琰參同契發揮中，掇取朱子註及黃瑞節附錄，編爲一卷。

關北觀察營藏印紙一牒七張

右道家類三部

關北觀察營藏印紙一牒

關北觀察營藏印紙一牒七張

關北觀察營藏印紙一牒七張

關北觀察營藏印紙一牒七張

關北觀察營藏印紙一牒

關北觀察營藏印紙一牒七張

關北觀察營藏印紙一牒七張

關北觀察營藏印紙一牒七張

# 鏤板考 卷第四



鏤板考 卷第五

大邱徐有渠著

豐山洪命憲校訂

子部下

釋家類

大藏經六千五百五十八卷

舊傳新羅哀莊王時刻，今按高麗史韓彥恭傳，成宗時彥恭以兵部侍郎如宋，奏請大藏經，太宗皇帝賜藏經四百八十一函二千五百卷，高宗世家大藏經，顯宗時板本，燬於壬辰蒙古兵，王與羣臣更願立都監，十六年而功畢，辛亥，幸城西門外大藏經板堂，率百官行香，今藏經刻本，或標戊申，或標甲辰，皆高宗辛亥前十六年間干支，則是經之東來，在高麗成宗時，鈔板在顯宗時，重鑄在高宗時無疑，獨卷數多寡不合，或東來後續入者多，或彼以冊計，此以編計，不可知，高宗辛亥，當宋理宗淳祐十一年，距今五百四十六年，中州藏書家之競以

宋槧蜀刻，訛為奇寶者，率僅止斷爛搨本，未有若是經之累經兵劫，板刻尙存也。板皆髹漆，銅飾左右，俗言藏奔之室，鳥鼠不能穴。若有神物護之，凡一千五百三十九種，今列其目于左。

大般若婆羅蜜多經六百卷唐三藏玄奘奉制譯放光般若經二十卷西晉三藏無羅叉共竺叔蘭譯摩訶般若經二十七

卷一名大品般若經○姚秦三藏鳩摩羅什共僧叡譯光續經十卷西晉月氏三藏竺法護譯摩訶般若經抄五卷姚秦天竺三藏曇摩蟬共竺佛念譯道行般

若經十卷後漢月氏三藏支婁迦讖譯小品般若婆羅蜜經十卷姚秦三藏鳩摩羅什譯勝天王般若經七卷陳優禪尼王子月婆首那

譯 大明度經六卷吳月氏居士支謙譯文殊師利所說摩訶般若經二卷梁扶南三藏曼陀羅什譯文殊師利所說般若

婆羅蜜經一卷梁扶南三藏僧迦婆羅譯濡首菩薩無上清淨分衛經二卷宋南海三藏藏翔公譯秦金剛般若婆羅蜜經

一卷北秦三藏鳩摩羅什譯魏金剛般若婆羅蜜經一卷元魏天竺三藏菩提流支譯陳金剛般若婆羅蜜經一卷陳天竺

藏真諦譯 能斷金剛般若經二本各一卷一本唐三藏玄奘譯實相般若經一卷元魏天竺三藏菩提流支譯仁王般

若婆羅蜜經二卷姚秦三藏鳩摩羅什譯般若婆羅蜜多心經一卷唐三藏玄奘譯摩訶大明呪經一卷姚秦三藏鳩摩羅什譯

大寶積經一百二十卷元魏天竺三藏菩提流支譯三戒經三卷北涼三藏曇無讖譯無量清淨平等覺經四卷後漢月氏三藏支婁

迦識譯 阿彌陀經二卷吳月氏居士支謙譯無量壽經二卷曹魏天竺三藏康僧鎧譯阿閼佛國經二卷後漢月氏三藏支婁

十法經一卷梁扶南三藏僧迦婆羅譯普問品經一卷胞胎經一卷文殊師利佛土嚴淨經二卷右三種西晉

法護譯 法鏡經一卷後漢安息三藏安玄譯郁迦羅越問菩薩行經一卷幼士仁賢經一卷右二種西晉月氏三藏竺法護譯



決定毗尼經一卷失譯人名須摩提經一卷元魏天竺三藏善提流支譯發覺淨心經二卷隋天竺三藏闍那崛多譯優填王經

一卷西晉三藏法炬奉制譯須摩提菩薩經一卷阿闍貫王女經一卷離垢施女經一卷右三種西晉月氏三藏竺法護譯

得無垢女經一卷元魏三藏曇曇般若流支譯文殊師利所說不思議佛境界經二卷元魏天竺三藏善提流支譯如幻三

味經二卷西晉月氏三藏竺法護譯聖善住意天子所問經三卷元魏三藏毗目智仙般若流支譯大子刷護經一卷西晉月氏三藏竺法護譯

大子和休經一卷失譯人名慧上菩薩問大善權經二卷西晉月氏三藏竺法護譯大乘顯識經二卷唐天竺三藏地婆訶羅譯

大乘方等要慧經一卷後漢安息三藏安世高譯藏彌勒菩薩所問本願經一卷西晉月氏三藏竺法護譯遺日摩尼寶經一

卷後漢月氏三藏支婁迦讖譯摩訶衍寶嚴經一卷西晉失譯人名獅子吼方廣經一卷宋天竺三藏求那跋陀羅譯毗耶婆問經

二卷元魏三藏曇曇般若流支譯大集經六十卷北凉天竺三藏曇無讖譯大乘大集地藏十輪經十卷唐三藏玄奘譯大方廣十

輪經八卷失譯人名大乘大集經二卷隋天竺三藏連提耶舍譯菩薩念佛三昧經五卷宋西域三藏功德真譯虛空孕菩

薩經二卷隋天竺三藏闍那崛多譯虛空藏菩薩經一卷姚秦闍賓三藏佛施耶舍譯虛空藏菩薩神呪經一卷觀虛空藏

菩薩經一卷右二種宋闍賓三藏藏曇摩蜜多譯大方等大集經菩薩念佛三昧分十卷隋天竺三藏達摩笈多譯大方等大集

經賢護分五卷隋天竺三藏闍那崛多譯般舟三昧經三卷在前立定經佛說般舟三昧經一卷右二種後漢月氏三藏支婁迦

識披破菩薩經一卷失譯人名阿差末菩薩經七卷西晉月氏三藏竺法護譯無盡意經六卷宋凉州三藏智嚴共寶雲譯大愛

經八卷西晉月氏三藏藏竺法護譯大集譬喻王經二卷隋天竺三藏闍那崛多譯寶女所問經四卷西晉月氏三藏藏竺法護譯自在王菩薩

經二卷姚秦三藏鳩摩羅什譯奮迅王所問經二卷元魏三藏曇曇般若流支譯無言童子經二卷西晉月氏三藏藏竺法護譯寶星陀羅



尼經十卷 唐天竺三藏婆羅頗蜜多羅譯 大方廣佛華嚴經六十卷 東晉本〇東晉天竺三藏佛跋陀羅譯 大方廣佛華嚴經八十

卷 唐本〇唐千闍三藏寶叉難陀譯 入印法門經五卷 元魏天竺三藏曇摩流支譯 如來德智不思議境界經二卷 隋天竺三藏闍那崛多譯

大乘金剛修行分一卷 元魏天竺三藏善提流支譯 華嚴經修慈分一卷 唐于闐三藏提雲般若譯 度諸佛境界智光嚴經

一卷 失譯人名 大方廣入如來智德經一卷 大方廣如來不思議境界經一卷 大方廣佛華嚴經

不思議佛境界分一卷 右三種唐于闐三藏寶叉難陀譯 漸備一切智德經五卷 一名十住經又名大慧光三昧佛經〇西晉月氏三藏竺法護譯

說兜沙經一卷 後漢月氏三藏支婁迦讖譯 大方廣普賢所說經一卷 唐于闐三藏寶叉難陀譯 菩薩十住行道品一卷 西晉月氏三藏

月氏三藏法護譯諸菩薩求佛本業經一卷 西晉居士道真譯 菩薩本業經一卷 吳月氏居士支謙譯 莊嚴菩提心經一卷 姚秦三藏鳩摩羅什譯 大方廣菩薩十地經一卷 元魏西域三藏吉迦夜譯 菩薩十住經一卷 東晉天竺三藏祇多蜜譯 十住經四卷 姚秦三藏鳩摩羅什譯

如來興顯經四卷等目菩薩所問三昧經三卷 一名普賢菩薩定意經〇右二種西晉月氏三藏竺法護譯 顯無邊佛土功德經一卷 唐三藏玄奘譯 羅摩迦經三卷 西秦三藏聖堅譯 度世品經六卷 西晉月氏三藏竺法護譯 入法界品一卷 唐天竺三藏地婆訶羅譯

大般涅槃經四十卷 北凉天竺三藏曇無讖譯 大般泥洹經六卷 東晉平陽三藏法顯譯 大般涅槃經二卷 唐天竺三藏海波陵三藏若那跋陀羅譯 方等般泥洹經二卷 西晉月氏三藏竺法護譯 四童子三昧經三卷 隋天竺三藏闍那崛多譯 大悲經五卷 隋天竺三藏提那合譯 大莊嚴經十二卷 唐天竺三藏地婆訶羅奉制譯 普耀經八卷 西晉月氏三藏竺法護譯 法華三昧經一卷 宋涼州三藏無量義經一卷 摩伽陀天竺三藏曇摩伽陀隨耶舍譯 薩曇分陁利經一卷 失譯人名 妙法蓮華經七卷 姚秦三藏鳩摩羅什譯 正法華經十卷 西晉月氏三藏竺法護譯 添品法華經七卷 隋天竺三藏闍那崛多共笈多譯 維摩詰所說經三卷 姚秦三藏鳩摩羅什譯 維摩



詰經二卷吳月氏居說無垢稱經六卷唐三藏大方等頂王經一卷西晉月氏三藏大乘頂王經一

卷陳優曇尼王子善思童子經二卷隋天竺三藏大乘悲分陀利經八卷失譯悲華經十卷北涼

無識譯曇曇金光明最勝王經十卷唐三藏義淨奉制譯合部金光明經八卷隋大興善寺三藏寶貴譯失真陀羅所問如來

經三卷後漢月氏三藏支婁迦讖譯大樹緊鄰羅王所問經四卷姚秦三藏鳩摩羅什譯道神足無極變化經四卷西晉

三藏安法欽譯佛昇忉利天為母說法經三卷西晉月氏三藏寶雨經十卷唐天竺三藏達摩流支譯寶雲經七卷南梁扶

僧迦婆羅譯阿惟越致經三卷西晉月氏三藏法護譯廣博嚴淨經六卷朱涼州三藏智嚴譯不退轉法輪經四卷失

人不必定入定入印經一卷元魏三藏瞿曇般若流支譯入定不定印經一卷唐三藏義淨奉制譯等集衆德三昧經三

卷西晉月氏三藏竺法護譯集一切福德三昧經三卷姚秦三藏鳩摩羅什譯持心梵天所問經四卷西晉月氏三藏思益梵

天所問經四卷姚秦三藏鳩摩羅什譯勝思惟經六卷元魏天竺三藏菩提流支譯持人菩薩經四卷西晉月氏三藏持世經

四卷姚秦三藏鳩摩羅什譯濟諸方等學經一卷西晉月氏三藏大乘方廣捨持經一卷隨天竺三藏毗尼多流支譯文殊師

利現寶藏經二卷西晉月氏三藏竺法護譯大方廣寶篋經三卷宋天竺三藏求那跋陀羅譯大乘同性經二卷宇文周天竺

會證契大乘經二卷唐天竺三藏地婆訶羅譯深密解脫經五卷善提流支譯解深密經五卷唐三藏閣那耶

經一卷陳天竺三藏真諦譯相續了義經一卷宋天竺三藏施護譯緣生初勝分法本經二卷隨天竺三藏分別緣

起經二卷唐三藏支婁迦讖譯楞伽阿跋經四卷宋天竺三藏求那跋陀羅譯入楞伽經十卷元魏天竺三藏新譯大乘入

楞伽經七卷唐子闍三藏實義難陀譯菩薩行方便經三卷宋天竺三藏求那跋陀羅譯尼乾子所說經十卷元魏天竺三藏

菩提流支譯



大方等無想經六卷 北凉天竺三藏曇無讖譯 大雲經一卷 宇文周天竺三藏闍那耶舍譯 大雲輪請雨經二卷 隋天竺三藏闍那

大方等大雲經一卷 宇文周天竺三藏闍那耶舍譯 諸法無行經二卷 摩羅什譯 諸法本無經三卷 闍那鳩多藏

無極寶三昧經二卷 西晉月氏三藏竺法護譯 寶如來三昧經二卷 東晉天竺三藏祇多蜜譯 慧印三昧經一卷 吳月氏居如

來智印經一卷 失譯人名 灌頂經十二卷 東晉天竺三藏帛尸梨寶多羅譯 文殊普超三昧經三卷 西晉月氏三藏竺法護譯 藥師如

來本願經一卷 隋天竺三藏達摩笈多譯 藥師瑠璃光如來本願功德經一卷 唐三藏玄奘奉制譯 藥師七佛經二卷 唐

藏義 阿闍世王經二卷 後漢月氏三藏支婁迦讖譯 放鉢經一卷 失譯人名 月燈三昧經十卷 隋本○隋天竺三藏淨譯 阿闍世王經二卷 宋本一名文殊師利菩薩十 無希望經一卷 西晉月氏三藏竺法護譯 象腋經一卷 曇摩蜜多譯 大

燈三昧經二卷 宋本一名文殊師利菩薩十 無希望經一卷 西晉月氏三藏竺法護譯 象腋經一卷 曇摩蜜多譯 大

淨法門經一卷 西晉月氏三藏竺法護譯 大莊嚴法門經二卷 隋天竺三藏那連提耶舍譯 如來境界經二卷 元魏天竺三藏曇摩流支譯

度一切諸佛境界智嚴經一卷 梁扶南三藏僧伽婆羅譯 後出彌陀偈一卷 失譯人名 觀無量壽經一卷 宋西域三藏藏置良耶

阿彌陀經一卷 姚秦三藏鳩摩羅什譯 稱讚淨土佛攝受經一卷 唐三藏玄奘奉制譯 觀彌勒上生兜率天經一卷

宋居士沮渠京聲譯 彌勒大成佛經一卷 姚秦三藏鳩摩羅什譯 彌勒來時經一卷 失譯人名 彌勒下生經一卷 西晉月氏三藏

彌勒下生成佛經一卷 姚秦本○姚秦三藏鳩摩羅什譯 彌勒下生成佛經一卷 唐本○唐三藏義淨譯 諸法勇王經一卷

宋闍賓三藏曇摩蜜多譯 一切法高王經一卷 右二種元魏三藏曇曇般若流支譯 大威燈光仙人問疑經

一卷 隋天竺三藏闍那鳩多譯 順權方便經二卷 西晉月氏三藏竺法護譯 樂瓔珞莊嚴方便品經一卷 姚秦三藏曇摩蜜多譯 六度

集經八卷 吳康居三藏康僧會譯 大子須大拏經一卷 西秦三藏聖堅奉制譯 菩薩睺子經一卷 失譯人名 佛說睺子經一



卷西秦三藏 大子墓珀經一卷西晉月氏三藏 九色鹿經一卷吳月氏居 大子慕魄經一卷後漢安

高世 無字寶篋經一卷元魏天竺三藏 大乘離文字普光明經一卷大 乘遍照光明藏無字法

門經一卷右二種唐天竺三藏 老母人經一卷吳月氏居 老母六英經一卷宋天

藏求那跋 月光童子經一卷西晉月氏三藏 申日兒本經一卷宋天竺三藏 德護長者經二卷隋天

耶舍譯 文殊師利問菩提經一卷摩羅什譯 伽耶山頂經一卷善提流支譯 象頭精舍經一卷

隋天竺三藏 大乘伽耶山頂經一卷元魏天竺三藏 長者子制經一卷後漢安息三藏 菩薩逝經一

卷西晉河內三藏 逝童子經一卷西晉三藏 犢子經一卷吳月氏居 乳光佛經一卷無垢賢女經一卷

右二種西晉月氏 腹中女聽經一卷北凉天竺三藏 轉女身經一卷宋寶三藏 申日經一卷西晉月氏

譯 無上依經二卷陳天竺三藏 甚希有經一卷唐三藏 未曾有經一卷後漢失 決定摠持經一卷

西晉月氏三藏 誘佛經一卷元魏天竺三藏 寶積三昧法身經一卷後漢安息三藏 入法界體性經一卷

隋天竺三藏 如來師子吼經一卷元魏天竺三藏 大方廣師子吼經一卷大 乘百福莊嚴相經一卷

大乘四法經一卷右五種唐天竺三藏 善恭敬經

一卷希有校量功德經一卷 最無比經一卷唐三藏 前世三轉經一卷西晉

法炬 銀色女經一卷元魏天竺三藏 阿闍世王授決經一卷西晉三藏 採花違王上佛經一卷東

西域三藏 正恭敬經一卷元魏天竺三藏 稱讚大乘功德經一卷唐三藏 妙法決定業障經一卷

曇無蘭譯 佛陀扇多譯



唐至相寺三藏智嚴譯 如來示教勝軍王經一卷緣起聖道經一卷右二種唐三藏玄奘譯 佛說諫王經一卷宋居士

佛為勝光天子說王法經一卷浴佛功德經一卷曼殊室利呪藏中校量數珠功德經一

卷右三種唐三藏義淨奉制譯 大方等修多羅王經一卷文殊師利巡行經一卷右二種元魏天竺三藏菩提流支譯 轉有經一

卷元魏天竺三藏佛陀扇多譯 文殊尸利經一卷隋天竺三藏闍那崛多譯 了本生死經一卷貝多樹下十二因緣經一卷

龍施女經一卷八吉祥神呪經一卷右四種吳月氏居士支謙譯 佛說稻芋經一卷失譯人名 自誓三昧經一卷

後漢安息三藏安世高譯 如來獨證自誓三昧經一卷龍施菩薩本起經一卷八陽神呪經一卷孟蘭盆經

一卷右四種西晉月氏三藏竺法護譯 灌洗佛像經一卷西晉三藏法炬譯 摩訶利頭經一卷西晉三藏理堅譯 造立形像福報

經一卷作佛像經一卷右二種失譯人名 八佛名號經一卷隋天竺三藏闍那崛多譯 報恩奉趁經一卷失譯人名 浴像

功德經一卷校量數珠功德經一卷右二種唐天竺三藏寶思惟譯 八吉祥經一卷梁扶南三藏僧伽婆羅譯 不空罽索經三

十卷元魏天竺三藏菩提流支譯 不空罽索呪經一卷隋天竺三藏闍那崛多譯 不空罽索神呪心經一卷唐三藏玄奘奉制譯 不空罽

索陀羅尼自在王呪經三卷唐天竺三藏寶思惟奉制譯 不空罽索陀羅尼經一卷北京天竺三藏李無詔譯 千眼千臂神

呪經二卷唐總持寺三藏智通譯 千手千眼陀羅尼身經一卷元魏天竺三藏菩提流支譯 千手千眼大悲心經一卷唐天竺三藏伽

梵三藏 觀世音如意摩尼經一卷唐天竺三藏寶思惟譯 觀世音神呪經一卷唐子闍三藏寶義難陀譯 觀自在菩薩如

意心陀羅尼呪經一卷唐三藏義淨奉制譯 如意輪陀羅尼一卷元魏天竺三藏菩提流支譯 文殊師利根本一字陀羅

尼一卷唐天竺三藏寶思惟譯 曼殊室利一字呪王經一卷唐三藏義淨奉制譯 十二佛名神呪經一卷隋天竺三藏闍那崛多譯 稱



讚如來功德神呪經一卷佛說大孔雀呪王經三卷右二種唐三藏義淨奉制譯孔雀王呪經一卷鳩摩羅什

大金色孔雀王呪經一卷佛說大金色孔雀王經一卷右二種失譯人名孔雀王呪經二卷梁扶南三藏僧伽婆

譯羅陀羅尼集經十二卷唐天竺三藏阿地瞿多譯十一面觀世音經一卷宇文周天竺三藏闍那耶舍譯十一面神呪心經一

卷唐三藏玄奘奉制譯摩里支天陀羅尼經一卷失譯人名呪五首一卷唐三藏玄奘奉制譯千轉陀羅尼呪一卷唐地持寺三藏智通

譯七俱伐佛母心經一卷唐天竺三藏地婆訶羅譯七俱伐大明陀羅尼經一卷唐天竺三藏金剛智譯六字神呪經一

卷元魏天竺三藏善提流支譯觀自在隨心呪經一卷唐地持寺三藏智通譯種種雜呪經一卷隋天竺三藏闍那崛多譯佛頂尊勝陀

羅尼經一卷唐京兆杜行顓譯佛頂最勝陀羅尼經一卷唐弘福寺三藏彥琛譯佛頂尊勝陀羅尼經一卷宋闍賓三藏

利最勝淨除業障經一卷唐天竺三藏地婆訶羅譯佛頂尊勝陀羅尼經一卷唐三藏義淨譯無量門微密持經一

卷吳月氏居士支謙譯出生無量門持經一卷東晉天竺三藏佛陀跋陀羅譯無量門破魔經一卷宋西域三藏功德真共支暢譯阿難陀目

佉尼呵離陀經一卷宋天竺三藏求那跋陀羅譯阿難陀隣尼經一卷元魏天竺三藏佛陀扇多譯舍利弗陀羅尼經一卷

梁扶南三藏僧伽婆羅譯一向出生菩薩經一卷隋天竺三藏闍那崛多譯出生無邊門陀羅尼經一卷唐至相寺三藏智嚴譯勝幢臂

印陀羅尼經一卷唐三藏玄奘奉制譯妙臂印幢陀羅尼經一卷唐于闐三藏寶義難陀譯無崖際摠持法門經一卷西秦

三藏聖尊勝菩薩所問一切諸法入無量門經一卷高齊居士萬天懿譯金剛上味陀羅尼經一卷元魏

三藏佛陀扇多譯金剛場陀羅尼經一卷如來方便善巧呪經一卷右二種隋天竺三藏闍那崛多譯花聚陀羅尼呪經

一卷師子奮迅菩薩所問經一卷佛說六字呪王經一卷善法方便陀羅尼經一卷金剛秘



密善門陀羅尼經一卷右五種失花積陀羅尼神呪經一卷吳月氏居六字神呪王經一卷虛空

藏菩薩問七佛陀羅尼經一卷右二種失持句神呪經一卷吳月氏居陀隣尼鉢經一卷東晉西域

東方最勝燈王陀羅尼經一卷最勝燈王如來經一卷右二種隋天竺三護命法門神呪經

一卷元魏天竺三藏無垢淨光大陀羅尼經一卷唐天竺三藏消伏毒害陀羅尼經一卷東晉天竺

共晉言寶網經一卷菩薩行五十緣身經一卷梵志女首意經一卷四不可得經一卷右四

管月氏三藏私呵味經一卷菩薩生地經一卷右二種吳月氏大方等如來藏經一卷東晉天竺三

經內藏百寶經一卷後漢月氏三藏須賴經一卷前涼月氏居成具光明定意經一卷後漢天竺三

演道俗業經一卷西晉三藏百佛名經一卷隋天竺三藏諸德福田經一卷西晉三藏溫室洗

浴衆僧經一卷後漢安息三藏佛語經一卷元魏天竺三藏菩薩修行經一卷西晉河內三金色王經

一卷元魏三藏稱揚諸佛功德經三卷元魏西域三藏修真天子經四卷西晉月氏三摩訶摩耶

經二卷蕭齊三藏除恐災患經一卷西秦三藏字經抄一卷吳月氏名觀世音授記經一卷宋黃龍三

海龍王經四卷西晉月氏三藏首楞嚴三昧經二卷北秦三藏藥王藥上菩薩經一卷宋西域三

合共宋言觀普賢行法經一卷宋三藏不思議光菩薩所說經一卷北秦三藏十住斷結經十

卷北秦涼州三藏未曾有因緣經二卷蕭齊三藏諸佛要集經二卷西晉月氏三藏菩薩瓔珞經十四卷

藏北秦涼州三藏超日明三昧經二卷西晉清信士賢切經八卷西晉月氏三藏大法炬陀羅尼經二十卷